

城郭記上

天山南路

伊吾廬

漢伊吾廬

今哈密在安西州西北

本匈奴呼衍王庭後漢永平十六年帝遣竇固耿忠等征

匈奴固至天山

章懷太子曰天山即祁連山今名折羅漫山在伊州西北晉灼曰天山在西域近蒲類國折一作時

擊呼衍王呼衍王走追至

蒲類海留吏士屯田伊吾廬城

章懷太子曰伊吾今伊州縣也本匈奴地名既破呼衍王即其地置宜禾都尉以爲屯田今伊州納職縣伊吾故小城是西

域絕至復通章帝不欲疲敝中國乃迎還戊己校尉罷屯田伊吾匈奴因遣兵守其地永元初竇憲大破匈奴遣副校尉閻盤掩擊伊吾破之後匈奴復收諸屬國共爲邊寇元初六年遣行長史索班將十人屯伊吾以招撫之數月匈奴攻沒索班敦煌太守曹宗請出兵擊之以報索班之恥鄧太后不許順帝永建初班勇爲西域長史屯柳中

車師地名

龜茲于窳莎車十七國皆來服從六年帝以

伊吾舊膏腴之地傍近西域匈奴資之以爲寇暴復令開設屯田如永元故事置伊吾司馬一人陽嘉以後烏桓鮮卑強盛漸并匈奴地呼衍王居蒲類元嘉元年呼衍王入寇伊吾伊吾司馬毛禮遣五百人于蒲類海東與戰悉爲所沒呼衍王遂攻伊吾屯城自後遂絕

後漢書西域傳自敦煌西出玉門關涉鄯善北通伊吾千餘里自伊吾北通車師前部高昌壁一千二百里自高昌

壁北通後部金滿城五百里此其西域之門戶也

伊吾地宜五穀桑麻葡萄其北又有柳中皆膏腴之地

故漢常與匈奴爭之以通西域晉時張駿議治石田參軍索孚練之駿怒出孚爲伊吾都尉至蠕蠕強則敦煌大磧之北爲其所常會庭也李暠守敦煌爲沮渠所滅唐和携暠子寶避難之伊吾招集民衆二千餘家臣蠕蠕以和兄契爲伊吾王經二十年和與契遣使降後魏蠕蠕迫之至於高昌

後魏書唐和傳蠕蠕遣部帥阿

若討和至白力城和率騎五百先攻高昌契與阿若戰沒和收餘衆奔前部王國時沮渠安周屯橫截坡和攻拔之斬安周兄子樹又克高寧白力二城斬其戍主遣使表狀後與前部王車伊洛擊破安周

太和初內屬始置伊吾郡高昌王馬儒求內徙世祖欲割伊吾五百里以居之

未果

見高昌

隋初商胡襍居有勝兵千餘附於鐵勒人甚驍悍厥田良沃大業三年裴矩往敦煌遣使說伊吾吐屯設等啗以厚利導使入朝尋遣將軍薛世雄城伊吾裴矩共往經畧矩諷諭西域諸國曰天子爲蕃臣交易懸遠所以城伊吾耳咸以爲然不復來競天下亂又臣突厥唐貞觀四年突厥頡利破滅其酋舉其族七城降列其地爲西伊州同於編戶大歷中陷于吐蕃大中五年張義潮復以瓜州沙伊州來獻五代時曰胡廬磧仲雲族牙帳所居小月氏遺種其人勇而好戰瓜沙人皆憚之宋亦爲回鶻所據王延德使高昌歷伊州州將陳氏言自唐開元二年領州凡數十世唐時詔敕猶在也

哈密

宋州後亦屬輝和爾地元太祖征西域回回圍太子於哈密城哈密舊音渴密力一地名互有異同而求之音義則一也耶律薛闐引千軍救之丙戌蘇布台取馭薩里輝和特勒赤憫

等部憲宗立以特格穆爾長哈密里及曲先諸宗藩之地至元十八年設甘肅

行省其地亦隸焉二十四年以巴什伯里漢軍及新附軍五百人屯田哈密大德中詔諸路輝和爾哈密自相訟者歸亦都護府與民交訟者聽有司專決北山烏遮虜舊障迤邐而東至狼心山時爲往來通道種類襍居曰回回曰輝和爾曰哈喇灰皆不相統屬泰定初以威武王納忽里鎮之尋改肅王卒弟安克特穆爾嗣明洪武中輝和爾既定逼近哈密安克懼而納款永樂元年遣使來朝改封忠順王已而韃靼部鬼赤力毒死之三年以其兄子托克托舊音脫爲王四年立哈密衛帝眷托克托甚厚而托克托固凌侮朝使不恤國事帝怒遣官諭戒之未至托克托以暴疾卒子卜塔什里嗣尙幼宣德初遂封其從弟兔力特穆爾爲忠順王正統二年脫歡卒已而忠順亦卒封其子倒瓦塔什里爲王初成祖以哈密爲西域要道欲其迎護朝使統領諸番爲西陲屏蔽而其王率庸懦莫能節制及倒瓦塔什里立北衛拉特明吏音訛瓦刺西土爾舊音魯番東南赤金罕東諸衛悉與構怨鄰國交侵天順元年倒瓦塔什里卒弟卜列革嗣又二年卒無

子王母努温塔失里主國事自是更益離散以酋虜乘隙襲破其城大肆殺掠王母率部落走苦峪尋還姑土國中政令無所出成化八年土爾番阿力乘機襲之執王母奪金印以去以牙蘭據之邊臣築苦峪城居哈密十八年春哈密部督哈森舊音罕糾赤全罕東二衛與己所部兵萬人夜襲哈密城牙蘭遁去乘勢連復八城遂還居故土宏治初封哈森爲王土爾番阿黑麻詭與結婚誘殺之五年以安定族人陝巴主哈密擢都督僉事阿木朗與同知阿奄克勃刺輔之阿木朗潛引夷人掠土爾番人馬阿黑麻復襲哈密也克力衛拉特二部來援俱敗去乃殺阿木朗執陝巴以歸時朝議革棄陝巴爵令奄克孛刺總理哈密事與回回都督寫亦虎仙哈喇灰都督拜迭力迷失等分領三種人以輔之陝巴未還不必索取於是邊臣棄陝巴逐其貢使閉嘉峪關馬文升銳意興復與巡撫許進偕大將軍劉寧彭清分數道進夜至羽集七川畢會又六日至城下拔之牙蘭遁去明初以來官軍無涉其地者至是番人知畏又二年阿黑麻送還陝巴乃復爵奄

克孛刺者哈森弟也與陝巴不相能而陝巴嗜酒措克失衆心部下咸怨十七年奄阿孛刺陰搆阿黑麻迎其幼子眞持穆爾主哈密而陝巴挈家走苦峪城奄克孛刺與寫亦虎仙在肅州邊臣令其二人均還輔陝巴百戶董傑偕行奄克孛刺抵哈密謀誅阿孛刺令陝巴還居哈密以眞特穆爾居之甘州陝巴尋卒其子拜牙即襲正德初阿黑麻亦卒六年寫亦虎仙送眞特穆爾還抵哈密奄克孛刺止之不聽寫亦虎仙早有異志至土爾番遂以國情輸滿速兒且誘敗牙即奄克孛刺因奔肅州八年秋拜牙即棄城走入土爾番滿速兒遣他只丁據哈密朝命彭澤往經略澤至謂番人嗜利遣人諭令還侵地與王予以重賞滿速兒僞許澤乞歸尋亦詔還而忠順不返寫亦虎仙又陷之入寇湔速兒喜遂相與遣人入貢以覘虛實邊臣知之悉羈之甘州而督寫亦虎仙出關不肯去他只丁復奪哈密地分兵脅據沙州擁衆入寇至兔兒壩官軍往禦遊擊芮寧先抵沙子壩遇賊賊悉衆圍寧所部皆敗沒賊薄肅州城兵備副使陳九

疇固守且絕其內應賊知事洩慮援兵至大掠而去賊至瓜州鄭廉合奄克孛刺兵擊敗之事平械寫亦虎仙赴京下獄時王瓊劾彭澤欺罔辱國斥爲民坐九疇等激變獲重譴明年寫亦虎仙亦減死遂資緣錢寧與其壻得侍左右帝悅之賜國姓授錦衣衛指揮世宗即位楊廷和以寫亦虎仙稔中國情實歸必爲邊患因於遣詔中數其罪并其子壻伏誅而用陳九疇爲甘肅巡撫嘉靖三年土爾番犯甘州九疇及總兵官姜奭力戰敗之斬他只丁賊乃却去九疇因言賊不可撫遂閉關絕貢明年復犯肅州時九疇已解職他將援兵至乃遁百戶王邦奇者素憾楊廷和彭澤因言今哈密失國番賊屢侵由澤賂番求和廷和論殺寫亦虎仙所致桂萼張璁輩欲藉此興大獄削廷和澤爲民九疇報捷時言滿速兒牙蘭已斃礮石下二人實未死帝固疑之因萼等議並疑邊臣欺罔遂逮九疇坐累者喇十餘人七年正月九疇既逮至萼等必欲死之并株連廷和澤尙書胡世寧力救免死而萼等又荐王瓊督三邊盡釋還九疇所繫番

使許之通貢番酋侮琉如故時以牙蘭獲罪其主率部帳來歸邊臣受之滿速兒怒令其部下虎力納咱兒引兵犯肅州初胡世寧之救九疇也言拜牙即久歸土魯番即還故土亦其臣屬其他族裔無可繼者回回一種早已歸之哈密灰畏吾兒二族逃附肅州已久不可驅之出關然則將安興復而霍韜力駁其非至是世寧上言哈密三立三絕今其王已爲我用民畏流亡借使更立他種難保爲不侵不叛之臣立之無益乞令守臣遣諭滿速兒詰以入寇狀倘委爲不知令其自贖否則發兵往討庶威信並行賊知斂戢更敕瓊爲國忠謀力求善後策帝深然之至明年唐澤亦以哈密未易興復請專圖自治之策瓊善之據以聞乃自是置哈密不問西陲借以息肩而哈密後爲失拜烟答子米兒馬黑木所有失拜烟答乃寫亦虎仙之黨以內應繫獄被捶死服屬土爾番朝廷猶令其比歲一貢異於他番迄隆慶萬歷朝入貢不絕然非忠順苗裔矣

東且彌

漢東且彌治天山東兌虛谷在金嶺北今迪化州東南戶一百九十西南至都護治所一千五

百七十里廬帳而居逐水草頗田作後漢時戶三千餘案後漢東西下彌並爲一國所居無常

物產與蒲類同後漢書去長史所居八百里

西且彌

漢西且彌治天山東于大谷戶三百三十西南至都護治所一千四百八十里

卑陸

漢界陸國法天山東乾當谷戶二百二十西南至都護治所千六百七十八里

卑陸後國

卑陸後國治番渠類谷今闕展北境戶四百六十東與郁立師西與劫國北與匈奴

南與車師接

劫國

漢劫國治天山東丹渠谷戶九十九西南至都護治所千四百八十七里

郁立師

漢郁立師國治內咄谷戶百九十東與車師後城長西與卑陸北與匈奴接

狐胡

漢狐胡國治車師柳谷今闐展南磧口西至都護治所千一百四十里至焉耆七百七十里

車師前部

漢車師前部今闐展全境治交河城今招哈和屯在土爾番西武帝天漢初以匈奴降者介和王爲

開一作闐陵侯擊車師匈奴右賢王將兵救之漢兵不利而還征和二年重合侯

馬通兵出酒泉至天山虜已引去西遣開陵侯將兵北圍車師車師臣屬漢自

後貳師敗沒漢不復出兵而匈奴使四千騎田車師宣帝即位遣五將將兵擊

匈奴五將詳匈奴傳田者驚去匈奴召其太子軍宿欲以爲質軍宿亡走焉耆車師更

立烏貴爲太子烏貴結婚匈奴與之遮漢道通烏孫者地節二年城郭諸國擊

破姑師得其民人而去匈奴復以王之昆弟兜莫爲王漢遣侍郎鄭吉校尉司

馬熹田渠犁積谷以攻車師至秋收穀吉熹共擊交河城一作兜訾城破之時王在

石城明年更攻石城其王北走匈奴求救匈奴未爲發兵王還擊匈奴邊國小

蒲類略其人民以降吉復自請擊破金附國以臣服漢漢分以爲車師前後王

及山北六國師古曰合刼國郁立師前後卑陸東西且未彌爲六國欽定西域圖志前漢山北六國在天山之南跨金嶺南北凡五百里即後漢書自高昌壁北通金滿城之五百里也案

六國境在今多倫遠巴迤東山谷間若天山以北則皆屬後部王地匈奴怒發兵攻車師王吉等引兵歸渠犁王恐匈奴

復至乃輕騎奔烏孫吉即迎其妻子置渠犁東於是始使吏卒三百餘人別田

車師匈奴遣騎來擊田者漢田卒少不能當匈奴保車師城中吉上書言車師

去渠犁千餘里間以河山北近匈奴漢兵在渠犁者勢不能相救願益田卒公

卿議以道遠費煩可且罷車師田者車師王之走烏孫也烏孫留不遣遣使上

書願仍留車師王備國有急可從西道以攻匈奴於是詔故太子軍宿在焉耆

立爲王徙居渠犁以車師故地與匈奴神爵間始置西域都護其前部治交河

城西南至都護治所一千八百里至焉耆八百三十里元帝初元中置戊己校

尉漢官儀曰戊己中央鎮覆四方開屯田柳中今魯克察克王莽大擊北邊而西域瓦解焉

耆叛殺都護西域遂絕後漢時合前部及東且彌蒲類移支卑陸是爲車師六

國案後漢六國合車師前後部屬今迪化州闡展廳全境北與匈奴接前部西通焉耆北道後部西通烏孫皆

附屬匈奴明帝永平十七年遣竇固等出塞擊走匈奴呼延衍王留吏士屯田

伊吾明年復出玉門攻西域詔耿秉劉張皆去符傳以屬固固出敦煌昆崙擊

破白山虜於蒲類海上遂破白山降車師漢復置西域都護戊己校尉乃以關

寵爲戊己校尉屯前王柳中城今魯克察克明年秋焉耆龜茲攻沒都護陳陸悉覆

其衆匈奴亦圍關寵于柳中會帝崩救兵不至車師亦叛建初元年段彭等兵

會柳中遂擊車師交河城後漢書西域傳交河河水分流繞城下故號交河章懷太子曰去長史所居口口里降北虜驚走車師復

東觀記曰車師太子比持髻降章帝不欲疲敝中國乃迎還戊己校尉時軍司馬班超留于賓綏集

諸國元和三年以超爲西域都護復置戊己校尉領兵五百人居車師前部高

昌壁今哈喇和卓又置戍部候居車師後部候城相去五百里和帝永元三年前後王

各遺子入侍章懷太子曰車師前王即後王之子其庭相去五百里孝和以後遂棄西域元初六年敦煌太守

曹宗遣長索史班將千餘人屯伊吾車師前王及鄯善來降數月匈奴復率車師後王攻沒班等遂擊走車師前王略有北道宗請出兵以報班恥鄧太后臨朝不許但令置護西域校尉居敦煌議者因欲閉玉門陽關以絕其患其後匈奴連與車師入寇河西延光二年以班勇爲西域長史出屯柳中明年勇發兵到車師前王庭擊走匈奴伊蠡王於伊吾谷於是前部始復開通還屯田柳中自建武至於延光西域三絕三通魏黃初中車帥前部來貢賜其王亦多離守侍中號大都尉復置西域戊己校尉晉張駿守涼州本傳駿盡有隴西地雖稱臣於晉而不行中興正朔西域長史李柏請擊叛將趙貞爲貞所敗議者以柏造謀致敗請誅之駿以減死論而貞不附駿案李柏收後趙貞自稱戊己校尉駿旣失河南地遂擊擒之以其地爲高昌郡十六國春秋秋太元末呂光僭位以高昌地居形勝外接胡虜易生翻覆光以子覆爲使持節都督玉門以西諸軍事鎮高昌李暠擊玉門以西諸城鄯善前部各遣使貢

獻後魏初本通使交易其地北接蠕蠕世祖始遣王恩生等出使爲蠕蠕所執

延和中封車伊洛爲前部王沮渠無諱之渡流沙也鳩集遣人破車師案無諱守高昌

萬度歸討焉耆各命伊洛從征眞君十一年伊洛上書云不能自存遂捨國

東奔三分免一已在焉耆東境幸垂賑救帝使撫慰開焉耆倉以給之自是車

師前部并入高昌車伊洛傳本焉耆胡世爲東境部帥延和中授封前部王欲歸闕沮渠無諱斷路無諱卒其弟安周奪無諱子乾壽兵規領部曲伊洛招諭乾壽率戶五百餘

家來奔伊洛送之京師又招李寶弟欽等五十餘人送詣敦煌初伊洛征焉耆留其子歇守城而安周乘虛引蠕蠕三道圍歇連戰久之外無救兵爲安周所陷歇走奔伊洛伊洛收集一千餘家歸焉耆鎮

正平初伊洛遣子歇詣闕二年伊洛朝京師拜上將庫王如故

高昌

魏高昌漢車師前王之故地世祖時有闕爽者自爲高昌太守爲沮渠無諱所

襲奪據之安周代立爽爲李寶舅唐契所攻開無諱至鄯善遣使詐降欲令無諱與唐契相擊無諱留安周住鄯善從焉耆東北趨高昌會蠕蠕殺唐契爽拒無諱無諱

將衛興奴詐誘爽遂屠其城爽奔蠕蠕爽旣奔蠕蠕安周乃爲蠕蠕所並蠕蠕以闕伯

周爲王其稱王自此始也其國東西二千里南北五百里四面多大山或云漢

武西討師旅頓弊其中困厄者因在焉地勢高廠人庶昌盛故云高昌亦云漢有高昌壘以爲國號國有八城皆有華人地多石磧氣候溫暖厥土良沃穀麥一歲再熟宜蠶多五穀北有赤石山七十里有貪汗山夏有積雪此山北鐵勒界太和初伯周子義成立歲餘爲其兄首歸所殺五年高車王可伏至羅殺首歸况弟以敦煌人張孟明爲王後爲孟國人所殺立馬儒爲王以鞏顧禮麴嘉爲左右長史廿一年表求舉國內徙高祖納之遣韓安保率騎千餘赴之割伊吾五百里以居儒至羊棗水儒遣李禮嘉迎安保去高昌四百里而安保不至禮等還高昌安保亦還伊吾安保遣韓興安等十二人使高昌儒復遣顧禮將其世子義舒迎安保至白棘去高昌一百六十里而高昌舊人皆不願東徙相與殺儒立麴嘉爲王初前部即車師胡人悉爲高車所徙入于焉耆焉耆又爲嚙噠所破衆不自立請王于嘉嘉遣第二子爲焉耆王由是始大益爲國人所服國內有城十八置四十六鎮官有令尹有交河公田地公其爲交河田地皆其王

子也刑法風俗婚姻喪葬與華夏略同其人面貌類高麗辮髮垂之於背女子亦然文字亦同華夏兼用胡書俗事天神兼用佛法從武威西北有捷徑度沙磧千餘里四面茫然無有蹊徑欲往者尋無人畜骨骸雲路中或聞歌哭之聲行人尋之多致亡失蓋魑魅魍魎也故商旅往來多取伊吾路孝明時遣使奉表求借五經諸史并請國子助教劉燮以爲博士許之嘉死子堅立後關中賊亂使命遂絕梁大統十四年詔以其世子元嘉爲王恭帝二年又以田地公茂嗣位隋開皇中突厥破其四城有三千人來歸中國隋書高昌橫八百里縱五百里凡廿一城王都交河城其田地城戍已校尉所治也大業五年麴嘉之孫伯雅來朝因從擊高麗還尙以宇文氏女號華容公主八年歸蕃詔賜衣冠車服然伯雅先臣鐵勒而鐵勒恒遣重臣在高昌商胡往來則稅之送于鐵勒雖取悅中華然竟畏鐵勒而不敢改也伯雅死子文泰立唐武德初遣使來告貞觀四年伯雅來朝有詔賜氏李更封長樂公主後興西突厥連結諸國朝貢路出高昌咸見虜拐伊吾內屬文泰與突厥葉護共

擊之又與乙毘設破焉者三城虜其人焉耆王訴諸朝又諗薛延陀破漢璽書示以禍福使促入朝文泰稱疾不至乃拜候君集爲交河道大總管發兵討之王師至磧口文泰悸駭無他計發病死君集奄攻田地城一作田北智盛降乃下其

三州五縣二十一城披其地皆州縣之號西昌州尋改西州唐書地理志以交河城爲交河縣始昌城爲天

山縣田地城爲柳中縣東鎮城爲蒲昌縣高昌城爲高昌縣

更置安西都護府歲調千兵謫罪人以戍初文泰與西突厥欲谷設約有急爲表裏使葉護屯兵可汗浮圖城案浮圖即漢務塗之轉音今濟木薩境與高

昌爲影援及君集至不敢發遂來降以其地爲庭州并置蒲類縣焉耆請歸高昌所

奪城留兵以守君集勒石紀功凱旋而俘徙高昌豪傑於中國智盛拜右武衛

中郎將天山郡公麴氏傳國九世一百卅四年而亡智湛 中爲西州刺史

子昭歷司膳卿中封交河郡公安史之亂其地陷沒後復自爲國語訛亦曰高

廠然其地多回鶻時謂之西州回鶻案唐大中間吐蕃陷北庭回鶻稍南其部落以避之自是多散處山南宋初西州回

地數貢獻太平興國六年其王始稱西州外甥案回鶻其先尙公主故後世猶自稱外甥師子王阿斯

蘭漢遣都督麥溫來時遣王延德使高昌延德能道其所見云

宋王延德高昌記行初自夏州歷玉亨鎮次歷黃羊渡沙磧乏水行人皆載水凡二日至都囉囉族漢使過者遺以財寶謂之打當歷女蝸子族臨河以羊皮爲囊吹氣實之浮于水或以橐駝牽木筏而渡次歷茅女子開道族入六窠砂磧中以日爲占旦則背日暮則向日中則止夕行草名登桐收之以食次歷樓子山無居人行砂磧中次歷太虫太子族接契丹界人衣尙錦望月亦如之歷臥梁劾特族地有都督山唐回鶻之地也次歷王子次歷達達于越王子族此繡器用金銀馬湏釀酒飲之亦醉次歷屋地因族蓋達達于越王之子次歷達達于越王子族此契丹舊爲回鶻牧牛馬回鶻徙甘州契丹靺鞨遂各爭長攻戰次歷阿墩族經馬駿山望鄉嶺上石菴李陵題字處次歷格羅美源西方白川所會鷗鷺雁之類甚多次至托邊城亦名李僕射城城中首領號通天王次小石州次伊州將陳氏其先自唐開元二年領州凡數十世唐時詔敕尙在地有野蠶有大羊尾重者三斤小者一斤肉如熊白而甚美有礪石剖之得寶鐵謂之吃鐵石又生胡桐樹經雨即生胡桐律次歷益都次歷納職城在大患鬼魅磧之東南望玉門關甚近無水草載糧以行凡三日至鬼谷口避風驛俗法出禦風風乃息凡八日至驛田寺高昌遣人來迎次歷寶莊又歷六鍾乃至高昌即西州也其地南距于闐西距天竺路涉雪山葱嶺皆數千里地無雨雪而極熱每盛暑皆穿地穴以口氣鳥羣萃河濱或起飛即爲日氣所燂墜而傷翼屋宇覆以白堊開寶三年雨及五寸即蘆舍多壞有水出企嶺導之周圍國城以溉田園作水磴地產五穀貴人食馬餘食羊及鳧雁樂多琵琶箜篌出貂鼠白氈花藥布俗好騎射婦人帶油帽謂之蘇幕遮用開元五年歷以三月九日爲寒食二社冬至亦然以水交潑爲戲謂之壓陽氣去病好遊賞必抱樂器佛寺五十餘區皆唐朝賜額寺中有大藏經唐韻玉篇經音居民春月群聚遨樂于其間遊者馬上持弓矢射諸物謂之禳災有敕書藏唐太宗明皇御札詔敕緘鎖甚繁復有摩尼寺波斯僧各持其法佛經所謂外道者也所統有南突厥北突厥大衆慰小衆樣割摩祿戛點斯永蠻格哆族豫龍族之名甚衆國中無貧民絕食者共賑之人多壽考絕無天死時四月師子王避暑於北庭以其舅

阿多於越守國先遣人致意於延德曰我王舅也使者拜我乎曰持王命來禮不當拜復問曰見王拜乎曰禮亦不當拜阿多於越復數日始相見然禮甚恭師子王邀延德至於北庭歷交河州凡六日至金嶺口寶貸所出入兩日至漢家寨又五日上金嶺過嶺即多雨雪嶺龍堂刻石記云小雪山也嶺上有積雪行人服毛罽度嶺一日至北庭憩高臺寺其王烹羊并馬以具膳地多馬王及王后太子各養馬牧於平川中彌亘百餘里以毛色分別爲羣莫知其數北庭川長廣數千里鷹鷄鵲鶻之所生多美草不生花其王遣人來言擇日以見使者願無訝其淹久至七日見其主王及王子侍者皆東向拜受賜旁有侍磬者擊以節拜王聞磬聲乃拜既而王之兒女親屬皆出羅拜委以受賜遂張樂宴飲爲優戲至暮明日泛舟於池中池四面作鼓樂又明日遊佛寺曰應運太寧之寺貞觀十四年造北庭北山中出礪砂山中常有煙氣湧起如雲霧至夕火焰若炬火照見禽鼠皆赤礪砂者著木底鞋若皮爲底者即焦下有穴生青泥出穴外即變爲砂土人取以治皮城中多樓臺卉木人白哲端正性工巧善治器及攻玉善馬直絹一疋其鴛馬允食者纔直一丈貧者皆食肉西抵安西即唐之西境七月令延德先還其國其王九月始至亦聞有契丹使來使者缺唇以銀葉蔽之謂其王云聞漢遣使入韃靺而道出王境誘王窺邊宜早送至韃靺無使久留因云高廠本漢土漢使來覘視封域將有異圖王當察之延德偵知其語因謂王曰犬戎素不順中國今乃反間我欲殺之王固勸乃止自六年五月離京師七年四月至高昌所歷以詔賜諸番君長襲衣金帶絹帛八年春與其謝恩使凡百餘人復循舊路而還雍熙元年四月至京師延德初至韃靺之境頗見晋末陷虜者之子孫咸相率遮迎獻飲食問其鄉里親戚意盛懷感留旬日不得去

輝和爾

宋輝和爾

舊音畏吾爾亦作畏兀爾今遵欽定譯音改正

本魏高昌地五代時爲回鶻所據

案畏吾爾疑即回鶻轉訛宋

末曰輝和爾其國南距于闐西南距大食波斯西距西天竺路涉雪山葱嶺皆

數千里有水源出金嶺

今土爾番北迤邐而東至闢展三百里

導之周圍國城以漑田西契丹強威制

輝和爾遣使監其國元興輝和爾主計殺契丹使歸附太祖遂設達魯花赤以

監之至元十五年立提刑按察司於輝和爾分地界內計畝輸稅尋置北庭都

護府而立輝和爾境內交鈔提舉司十八年改輝和爾斷事官爲北庭都護陞

從二品又立四處驛站及交鈔庫遂罷和州

和州疑即和州轉音

輝和爾按察司海都之叛

遣兵千人戍其境大德中詔輝和爾哈密

舊作合迷里

自相訟者歸都護府與民交

訟者聽有司專決泰定元年遣諸王闊闊出鎮輝和至順初復立總管府于哈

喇和卓

元史舊作哈喇火州明史仍襲其訛今遵欽定譯音改正

後至元十年西番盜起陷其城殺其使臣遂

命桑格鎮之十二年桑格率領亦都護輝和爾等軍同守襄陽明太祖定河西

輝和爾先遣使貢方物後無聞焉永樂四年以綵幣賜柳城酋長

柳城以漢柳中得名訛音魯克

沁又曰魯克塵今改正魯克察克

明年其萬戶瓦赤刺遣使來貢迄正統朝入貢不絕

柳城者唐置柳中縣西去哈喇和卓七十里東去哈密千里經一大川

謂砂磧道

旁多骸骨相傳有鬼魅行旅早暮迷路迷死出大川渡流沙在火山下有城屹然廣二三里即柳城也四面皆田園土宜穰麥豆麻有桃李棗瓜之屬而葡萄最多小而無核者名鎖子葡萄節候常溫土人純樸男子椎結婦人蒙皂布其語音尤類輝和爾地近哈喇和卓土爾番凡其酋長入貢多與之偕土爾番強則柳城與和卓皆爲所并

亦都護

元高昌國主亦都護先世輝和卓舊作畏吾爾之和林有二曰圖忽刺曰薛靈光曰不可罕者遂有

其土田人民而爲人君長傳三十餘世是爲玉倫的斤數與唐人相攻戰數以

公主妻玉倫之子葛厲的斤居和林之汗騰格里鄂拉元史作天哥里于答哈今遵譯音改正言天靈

山也南有石山曰鄂拉舊作胡力答言福山也元使相地者至求其山的斤許之石

大不能動令人以烈火焚之沃以濃醋其石碎乃輦而去國中鳥獸爲之悲號

越七日玉倫卒災異屢見民弗安居于是遷於交州交州即和卓元史作火州舊對音之訛今遵

譯音 統有巴什伯里舊音別之地其國南接酒泉北至阿朮河東至元敦里石哈

改正 失八里

西至西蕃居是者又數百餘載案王延德使高昌應即其地而至阿爾朮阿爾忒亦都護臣於

契丹契丹主鞠兒遣使據有其國時元太祖起北方阿爾朮計殺其太師僧少
監等官歸之朝太祖於怯綠連河□從征皆有功既卒次子玉古倫赤的斤嗣
卒馬木刺的斤嗣將探馬赤軍萬人從憲宗伐宋合州攻釣魚山有功還和卓
卒至元初世祖命其子火塔爾嗣爲亦都護海都之亂輝和爾之民遭亂解散
遂命亦都護收而撫之其民人在宗王近戚之境者悉遣還其部輝和爾之衆
復輯十二年都哇卜思巴率兵十二萬圍和卓凡六月不解都哇索其女火塔
爾以女縋城而下與之乃解去其後入朝帝嘉其忠以公主妻之還鎮和卓屯
於州南哈密里之地北方兵忽至其地大戰力盡而死子紐憐的斤尙幼詣闕
請兵北征以復父讐師出河西俟北征軍齊發遂留永昌會吐蕃作亂詔領本
部探馬赤軍鎮吐蕃宣慰司武宗詔還嗣爲亦都護復署其部押西護司部押

西護司之官仁宗始稽故實封爲高昌王別以金印賜之設王傳之官其王印行諸內郡亦都護印行諸輝和爾之境領兵哈喇和卓復立輝和爾城池子二人長曰特穆爾補化次曰錢吉一作藏吉補化尙公主領大都護事延祐五年乃嗣爲高昌王泰定中分鎮襄陽文宗召至京師佐平大難遂知樞密院事拜承相其弟錢吉嗣爲亦都護高昌王卒其弟太平努襲天順以後無聞焉明永樂初劉特穆爾護巴什伯里使者歸因齎彩幣賜其王子哈散五年哈喇和卓明史火州遺使貢方物十一年偕失刺思俺的干九國來貢正統十三年復貢後遂絕其地東接柳城西連土爾番城一十里僧寺多於民居東有荒城即高昌國都今闕展城西北連巴什伯里國小不能自立後爲土爾番所并

土爾番

明土爾番

舊音土魯番今遵欽定譯音改正

在唐交河縣之安樂城去哈密城千餘里嘉峪關二千六百里元屬輝和爾國設萬戶府明永樂五年其萬戶賽因貼穆爾遣使朝

貢達京師明年其國番僧清來率徒法泉等朝貢帝欲令其化導番俗授爲國師徒七人並爲僧綱司二十年其酋尹吉爾密與哈密共貢馬已而尹吉爾察爲巴什伯里歪思所逐走歸京師帝命爲都督僉事遣還故土自是洪熙宣德正統朝都督指揮來朝不絕初國甚微弱後漸侵并柳城和卓舊音火州日益強其酋野密力火者遂僭稱王天順初進秩者二十四人成化初阿力始控弦五萬自稱速檀時哈密削弱阿力欲并之九年春襲破其城執王母奪金印以去朝命李文等經略無功而還明年遣使來言已得哈密城池及瓦剌即衛拉特明史訛音奄檀王人馬一萬又收捕曲先并亦思渴頭目倒刺火者迄朝廷遣使通道往來帝賜敕諭之十八年哈密都督哈森潛師直擣哈密克其城牙蘭遁去阿力子阿黑麻頗懼乃詭與哈森結婚宏治元年躬至哈密邀哈森盟執殺之復據其城四
人以城印來歸六年復襲哈密執陝巴以去張海等遵朝議却其貢羈前後使人於邊閉嘉峪關永絕貢道其邦鄰邦胥怨阿黑麻十年冬遂送還陝巴欵關

求貢許之阿黑麻卒諸子爭立相仇殺已而滿速而嗣爲速檀明年哈密陝巴亦卒子拜牙即襲昏愚失道國內益亂而滿速爾桀黠變詐踰於父復有眞鐵穆爾在甘州邊臣奏送還還以邊情告其兄共謀爲逆九年誘拜牙即走入土爾番復據哈密彭澤贖還城印其部下他只丁復據之且盜滿速爾犯肅州自是哈密不復得而患且中於甘肅會中朝自相傾陷滿速爾覬知之益肆讒搆其腹心哈密回人寫亦虎仙得侍天子中國體大虧賊勢益熾世宗立寫亦虎仙伏誅失所恃再謀犯邊嘉靖三年寇肅州掠甘州四年復寇肅州皆失利去於是卑詞來貢會張璉桂萼等起封疆之獄遂陰芘滿速爾再許之貢牙蘭者本曲先人幼爲番掠長而黠健阿力以妹妻之握兵用事久爲西陲患至是獲罪率所部人來降滿速爾怒使其部下虎力納咱兒寇肅州不勝則復遣使來貢自是哈密存亡置不復問而滿速爾桀傲益甚矣然自寫亦虎仙誅他只丁斬于陣牙蘭又降失其依賴而部下各自雄長稱王入貢者多至十五人政權

不一滿速爾死長子沙嗣爲速檀其弟馬黑麻分據哈密已而兄弟讐殺馬黑麻結婚瓦剌以抗其兄且懇田沙州謀入犯其部下來告馬黑麻乃叩關求貢復求內地安置邊臣諭止之乃還故土與兄同處詔又許其人貢隆慶四年馬黑麻嗣兄職遣使謝恩其弟瑣非等三人亦各稱速檀遣使來貢禮官請其犒賜許附馬黑麻隨從之數可之迄萬歷朝奉貢不絕

焉耆

漢焉耆

今哈喇沙爾

治員渠城西南至都護治所四百里南去尉犁國百里

尉犁今哈勒噶斯

焉耆西南案焉耆正南皆水必無容國之地漢書南字上恐有脫誤

北與烏孫接近海水多魚

後漢書焉耆居南河城去長史所居八百里四面有大山國與

龜茲相連道險阨易守章懷太子曰東去交河城唐郡九百里

焉耆地近匈奴王莽時焉耆先叛殺都護但欽莽不能

討天鳳五年遣五威將王駿西域都護李崇戊己校尉出西域諸國皆郊迎焉耆詐降而聚兵自備駿等將沙車龜茲兵七千餘人分數部入焉耆伏兵要遮駿及姑墨尉犁危須國爲反間還共襲駿等皆殺之惟戊己校尉郭欽別將兵

後至焉耆兵未還擊殺其老弱引兵還李崇收還餘士保龜茲數年崇沒西域因絕後漢永平中始置都護會明帝崩焉耆乘中國大喪遂與龜茲攻沒都護陳陸副校郭恂殺吏士二千餘人至永元六年班超發鄯善八國兵討焉耆到尉犁界焉耆王廣遣兵左將北鞬支奉迎超賜而遣之廣迎超於尉犁奉獻珍物焉耆有葦橋之險廣乃絕橋不欲令漢軍入國超更從他道厲渡爾雅自帶以上爲厲自膝爲揭以下七月晦到焉耆止營大澤中廣出不意大恐乃欲悉驅其人共入山保超乃期大會諸國王因揚聲當重加賞賜於是焉耆王廣尉犁王汎及北鞬支等相率詣超其國相腹久等皆亡入海而危須王亦不至超怒遂收廣汎等於陳陸故城斬之乃立焉耆左侯元孟主其國尉犁山國皆更立超留焉耆半歲撫慰之安帝時西域復叛超子勇爲西域長史討定諸國惟焉耆王元孟與尉犁危須不降□□二年勇上書請攻元孟漢遣敦煌太守張朗將河西四郡兵配勇分騎爲兩道擊之朗先期至爵離關遣司馬將兵前戰虜二千餘人元孟

遣使乞降張朗徑入焉耆受降而還魏興遣使貢獻時中道西行尉犁又作危

須山國皆并屬也晉武帝太康中其王龍安遣子入侍安子會少而勇傑安病篤謂會曰我嘗爲龜茲王白山所辱汝當雪之及會立襲滅白山遂據其國遣

子熙歸本國爲王會有膽氣籌略遂霸西胡葱嶺以東莫不率服然恃勇輕率嘗出宿於外爲龜茲國人羅雲所殺其國剪髮以爲飾婦人衣襦著大褲死者皆焚而後葬俗事天神並崇佛法尤重二月八日四月八日國中咸依釋教齋

戒行道焉楊宣經理疆域還攻焉耆與熙戰於賁侖城先鋒張植又擊敗之進

據尉犁熙率羣下四萬人肉袒降於宣呂光討西域度流沙進兵焉耆其王泥

流率其旁國請長西夷傳及光僭位熙又遣子入侍案熙歸本國在晉初至東晉隆安中呂光僭位已越一百二十餘年熙字必誤當以呂光傳泥流爲是後魏世

祖遣萬度歸討焉耆人東界擊其邊守左回今梵尉犁二城拔之進軍員渠城

其王鳩尸卑那單騎入山中猶覬城不拔得還其國既見盡爲度歸所尅乃奔龜茲度歸屠其城四部諸戎皆服焉耆不亂日久獲其奇珍異玩殊方詭譎

難名之物以獻唐貞觀六年龍突騎支遣使來朝隋書其王姓龍名突自隋亂磧路閉西域朝貢皆導高昌突騎支請開大磧道以便行人帝許之高昌怒大掠其邊西突厥復攻之與高昌陷其五城遣使言狀詔侯君集討高昌突騎支引兵佐唐高昌破歸向所俘及城遣使入謝後與西突厥相約爲輔車勢不朝貢乃命郭孝恪爲西州道總管出銀山今稱庫木什阿克瑪塔克道率兵討之孝恪倍道絕水夜傳堞遲曙譟而登國人擾敗斬千餘級執突厥騎支更以栗婆準攝國事始帝語近臣曰孝恪八月一日詣焉耆門二旬可至當以二十二日破之使者即至矣俄而遽以捷布聞囚突騎支送洛陽其從兄薛婆阿那支自立執粟姿準獻龜茲殺之阿史那社爾討龜茲阿那奔爲社爾所禽斬之乃立婆伽利以其地爲焉耆都督府婆伽利死之國人請還突厥支許之歸國死龍嬾突立開元七年龍嬾突死立吐拂延於是十姓可汗請居碎葉安西節度湯嘉惠表以焉耆備四鎮詔焉耆龜茲踈勒於闐征西域賈各食其征由北道者輪臺征之迄貞元中陷於

吐蕃回鶻衰亂有厖特勒西奔西安居焉耆城既而回鶻為張仲武所破厖特勒乃自稱可汗居甘沙西三州懿宗時僕固俊自北廷擊吐蕃斬論尙熱盡取西州輪臺諸城

危須

漢危須國今察罕通格境治危須城西至都護治所五百里至焉耆百里事具焉耆傳

魏時并屬焉耆後魏之左回城今楚輝元之獨山城皆其地也

尉犁

漢尉犁一作黎今哈勒噶阿璊治尉犁城西至都護治所三百里南疑上脫東字與鄯善且末接

山

漢山國西至尉犁二百四十里西北至焉耆一百六十里至危須二百六十里東南與鄯善且末接山出鐵民居山師古曰常在山下居不為城治也寄田糴穀於焉耆危須

烏壘城

漢烏壘城今策特爾踰額墨什郭勒至其地屬龜茲東北與尉犁東南與且末南與精絕接至龜

茲五百八十里東去陽關二千餘里於西域爲中其南三百三十里至渠犁宣

帝遣侍郎鄭吉田渠犁一作黎因發兵攻破車師遷衛司馬使護鄯善以西南道

神爵間匈奴日逐王先賢揮欲降漢使人與吉相聞吉發兵迎之送詣京師漢

封日逐爲歸德王自是威震西域并護車師以西北道督察烏孫諸國故號都

護上封吉爲安遠侯於是中西域而立莫府治烏壘城鎮撫之漢之號令班西

域矣後漢建武中莎車王賢攻并龜茲自立其子則羅爲龜茲王後以則羅年

少仍分其地爲烏壘國後漢書在尉犁西三百里徙媯塞王駟鍵爲烏壘王數歲龜茲國人殺

之乃復入龜茲唐河西諸胡內屬置州一二曰烏壘州案河西謂今海都郭勒以西

渠犁

漢渠犁今額爾勾郭勒境亦小國在烏壘城南李貳師征伐之後初置校尉屯田渠犁至

宣帝時鄭吉以侍郎田渠犁積穀因破車師漢以後其名不著唐置渠犁都督

府即故地也

輪臺

輪臺初名侖頭漢李貳師復行大宛兵多而所至小國莫不迎出食給軍至侖頭侖頭不下攻數日屠之前漢書曰輪臺武帝征和中貳師以軍降匈奴帝既悔遠征伐而搜粟都尉桑宏羊上言故輪臺以東捷枝渠犁皆故國地廣饒水草有溉田五千頃以上處溫和田美可益通溝渠種五穀與中國同時熟臣愚以爲可遣田卒詣故輪臺以東置校尉三人分護各舉圖地形通利溝渠務使以時益種五穀田一時可積穀募民壯健有累重敢徙者請田所就蓄積爲本業益墾溉田稍築列亭連城而西以威西國輔烏孫爲便帝深陳既往之悔乃不聽昭帝復用宏羊議以扞彌太子賴丹爲校尉田輪臺與渠犁地相連也後魏龜茲國東有輪臺唐永徽中平賀魯置輪臺都督府長安二年置北庭以其地析置輪臺縣隸焉

案漢輪臺并屬龜茲

即今玉古爾地唐置輪臺都督府爲二十三都督之一地尙小而輪臺縣與金滿後庭西海並列境地殊廣當屬今哈布齊垓西境皆是 大歷六年置靜塞軍其西

三百里有清鎮軍即鷹姿川境

唐地理志自庭州西延城西六十里有沙鉢城守捉又有馮洛守捉又八十里有耶勒城守捉又八十里俱六城守捉又百里至輪臺縣自輪臺縣百五十里有張堡城守捉又渡里移得建河七十里烏宰守捉又渡白楊河七里有清鎮軍城又度葉河葉七里有葉河守捉又度黑水七里有黑水守捉又七里有東林守捉又七里有西林捉守又經黃草泊大漠小磧渡石漆河踰車嶺至弓另城過思澤川蟄失密城渡伊麗河一名帝帝河至碎葉界又西行千里至碎葉城水皆北流逾磧入夷播海

默爾奇斯

默爾奇斯舊音蔑里乞亦回鶻部在焉耆西爲唐榆溪州輪臺縣境元太祖初起沙漠伐默爾奇

斯與其部長托克托戰于莫那察山掠其資財田禾以遺汪罕元本紀克烈部長名托里受金封爵

爲王番言音重故稱汪罕或云汪罕始居謙州居亡何汪罕自率兵復攻默爾奇斯部人敗走托克托奔伯

爾呼濟之隘汪罕大掠而還已而太祖復攻默爾奇斯托克托奈曼舊音乃蠻迪

延汗舊音太陽可汗之兄博伊嚕汗元本紀相傳乃蠻部始居青吉斯其屬達勒烏遜獻女迎降俄復叛

去帝至泰寒寨遣博羅干領右軍往平之元年太祖即位發兵往奈曼遇博伊

嚙汗獵于烏魯特山擒之以歸迪延汗予楚察里與托克托奔葉爾特木什河

上舊音也兒的石河今海都郭勒三年再征托克托及楚察里時鄂囉洛部不戰而降因用爲向

導討默爾奇斯部滅之楚察里奔西遼托克托中流矢死其子四人以父屍東

涉葉爾特木什河奔輝和爾國先使人告亦都護殺之四人者至亦都護與大

戰蟾于河唐交河在今土爾番使其國相報太祖太祖遣蘇布特征之軍至蟾河戰敗盡降

其衆尋以帕克呼圖領輝和爾默奇斯阿刺溫帕克巴西四部憲宗時分遷諸

王于葉爾特木什河

獨山城

元哈喇亦哈赤北魯者畏吾爾人從太祖征西域至巴什伯里東獨山城城空無人太祖問此何城對曰獨山城歲飢民皆流移至他所然地當北來要衝宜耕種以爲備昔在唆里迷國有戶六十願移居此帝遂命其子月朶失野訥往取之父子皆留居焉後六年太祖西還見田野懇闢民物繁庶問哈喇亦哈赤

北魯則已死矣乃賜月朶失野訥都督印章兼獨山城達魯花赤卒子乞出察
忽爾襲太宗賜號答刺罕子四人曰月爾思蠻事憲宗襲父爵兼領僧人後因
軍帥扎忽爾臺據巴什伯里盡室徙居平涼

巴什伯里 元史作別失八里明永樂中改亦力把里今遵欽定譯音改正案元代初平西域盡
以諸王駙馬爲之君長易前代國名以蒙古語如地理志西北附錄中名號錯出概
難指實惟畏吾兒別失八里二國散見
於本紀列傳茲就所見者編次之

元巴什伯里在龜茲國東宋時統爲輝和爾 舊音畏吾兒 地太祖西征始收巴什伯
里巴什喇等城西域既定置達魯花赤以監之憲宗初立以訥懷塔哈喇麻速
忽等充巴什伯里等處行尙書省事明年分土諸部乃建哈丹於此尋以哈丹
爲達魯花赤至元十五年授巴撒察爾虎符掌巴伯伯里輝和城子里軍站事
又二年命萬戶綦公直巴戎什伯里分劉恩所將屯兵肅州漢兵五千人入之
自泰和嶺至巴什伯里置新站三十從諸王阿只吉請也二十年立巴什伯里
和州等處宣尉司阿只吉言元隸只必特穆爾二十四城之中有察帶二城置

達魯花赤就付幹端又請於所分地立拘榷稅課所二十二年西北諸王背叛引兵來侵伯答爾軍於亦里渾察罕爾之地與禿哈布早麻戰大敗之時宗王阿只吉失律以巴顏舊音伯顏總代其軍朝議巴什伯里軍事凡軍行並聽巴顏節制其留務委博羅臺及諸王阿只吉官屬統焉未幾遣侍衛蒙古及千戶庫出等督兵屯田設元帥府以兵總之明年海都兵至綦公直李進從丞相巴顏拒戰於洪水山直父子皆陷進被賊擒至操一作昌巴里案操巴里即今昌吉縣遁還又二年哈

丹又叛大軍敗之于貴烈河

本紀詔諸王摘蒙古軍萬人分戍雙城及婆婆府以防哈丹兵

巴特穆爾率諸師往納

河東等處招集其黨乞塔真一千戶令甘肅發粟以賑二十九年巴什巴哈

懶孫盜起明安率軍戰於圖爾古特敗之再合于哈喇遜明安方略與戰悉獲

其衆自是兵備始撤泰定初給諸王巴什伯里印其地南接于闐東抵和卓

舊音訛火州

東西三千里統古焉耆龜茲疏勒爲一國而統屬之城不一設官分戍

同於內地迨其季亦各自爲分據焉明洪武中藍玉征沙漠至摸魚兒海獲撒

瑪爾罕商人數百太祖遣官送之還道經巴什伯里其王黑的爾火者即遣千戶哈馬力丁等來朝貢馬及海青以二十四年七月達京師九月命主事寬徹御史韓敬評事唐鉦使西域以書諭之徹等既至王以其無厚賜拘留之敬鉦二人得還三十年復遣官齎敕往諭之未幾黑的爾火者卒子沙迷查干嗣時哈密阿克特穆爾爲可汗鬼力赤毒死沙迷查干率師討之成祖嘉其義遣使齎以綵幣永樂四年入貢因言撤瑪爾罕本其先世故地請以兵復之命中官巴泰等齎敕戒以審度而行毋輕舉並厚賜之泰等還言沙迷查干已卒弟馬哈麻詞十一年馬哈麻卒無子從子納黑失只罕嗣十六年貢使速格來言其王爲從弟歪思所弑而自立從其部落西去更號國曰亦力把里仍舊音帝以其番俗不足治遂授速格爲都督僉事而遣中官楊忠等賜歪思弓刀甲冑及文綺綵幣自時奉貢不絕宣德元年入貢授其正副使爲指揮千戶其後使臣多授官歪思卒子也先不花嗣卒也密力火者嗣景泰三年貢玉石三千八百斤

禮官言其不堪用詔悉收之每玉二斤賜帛一疋至成化初禮官定西域朝貢期令其三歲五歲一貢使者不過十人自是朝貢亦稀國無城郭宮室隨水草畜牧人性獷悍君臣上下無體統飲食衣服多與衛拉特舊音瓦刺同地極寒深山窮谷六月亦飛雪東南距嘉峪關三千七百里或曰焉耆或曰龜茲

龜茲師古曰音邱慈

漢二茲今庫車治延城東至烏壘城都護治所三百五十里南與精絕東南與且

末西南與扞彌北與烏孫西與姑墨接西域傳武帝通西域初分南北二道元始以後有三道王門關西至過龍堆轉西詣龜茲是爲中道

初貳師將軍李廣利擊大官還過扞彌扞彌太子賴丹爲質於龜茲廣利責龜茲曰外國皆臣屬於漢龜竝何以得受扞彌質即將賴丹入至京師昭帝乃用桑宏羊前議以扞彌太子賴丹爲校尉將軍田輪臺輪臺與渠犁地皆相連也龜茲貴人曰賴丹本臣屬吾國今佩漢印綬來迫吾國而田必爲害王即殺賴丹而上書漢獻漢未能征宣帝時常惠使烏孫還便宜發諸國兵攻龜茲責以

前殺校尉賴丹龜茲王曰時爲貴人姑翼所誤執姑翼詣惠惠斬之後龜茲王絳賓尙烏孫公主女公主上書願令女比宗室入朝而絳賓亦愛其夫人上書言得尙漢外孫爲昆弟願以公主女俱入朝元康元年來朝賀王及夫人皆賜印綬留且一年厚贈送之其後數來朝賀樂漢衣制服度歸其國治宮室作徼道周衛出入傳呼撞鐘伐鼓如漢家儀外國胡人皆曰驢非驢馬非馬若龜茲王所謂贏也絳賓子承德自謂漢外孫往來尤數漢遇之亦甚親厚光武末莎車王賢攻殺龜茲兼其國自立其子□羅爲王數歲國人共殺則羅而向匈奴請立匈奴立龜茲人身毒爲王由是服屬匈奴明帝時龜茲王建爲匈奴所立依恃虜勢據有北道永平十七年龜茲與焉耆共圍車師攻沒都護陳睦和帝永元初班超起西域發龜茲鄯善八國兵討焉耆于是龜茲姑墨溫宿皆降帝以超爲都護徐幹爲長史拜白霸爲龜茲王遣司馬姚光送之白霸至光廢其王尤多利送詣京師班超住龜茲它乾城六年超

降焉者西域悉定旋復叛遂罷都護及屯田卒西域無漢吏者十餘年延光二年超子勇爲西域長史勇至樓蘭鄯善王歸附而龜茲王白英猶自疑未下勇開以恩信白英乃率姑墨温宿自縛詣降魏黃初中遣子入侍時姑□温宿尉頭皆并屬龜茲俗有城郭其城三重中有佛塔千所王宮壯麗煥若神居晉武帝太康中其王遣子入侍惠懷末以中國亂遣使貢方物於張重華符堅時堅遣呂光率衆七萬伐之白亦作昂純拒郡不降光軍其城南五里白純驅徙城外入于城中附庸侯王各嬰城自守光攻城既急白純乃請救獯胡獯胡弟唼龍侯率騎二十餘萬并引温宿尉頭等國合七十餘萬以救之光戰於城西斬萬餘級白純收其珍寶而走王侯降者三十餘國呂光傳光攻龜茲城夜夢金像飛越城外光曰此謂佛神去之胡必亡矣諸國憚光威名歛貢屬路乃立純弟震爲王以安之後魏太武初詔萬度歸率千騎擊龜茲大獲駝馬而還時其王頭繫爲帶垂之於後坐金獅子牀俗多置女子市收男女鐵以入官土多孔雀群飛山谷間人取養而食

之孳乳如鷄鶩國西北大山中有如膏者流出成川行數里入地如餽餽服之

愈人疾云

魏書龜茲在白山之南一百七十里隋西域記白山一名阿羯山常有火及烟即礪砂之所

隋大業中其王白蘇尼啞來朝

言國中勝兵可數千人

隋書漢時舊國東去焉耆九百里南去于闐千四百里西去疏勒千五百里西北去突厥牙六百餘里東南去瓜州三百里

唐高

祖受禪蘇伐勃駛遣使入朝會死子蘇伐疊立貞觀四年來獻馬太宗賜璽書撫慰後臣西突厥郭孝恪伐焉耆乃遣兵與焉耆影援自是不朝貢疊死弟訶黎布畢立二十一年遣使來朝帝怒其佐焉耆叛命阿史那社爾爲崑邱道部兵十萬討之乃立其弟葉護主其國凡破大城五諭降小城七十餘社爾執訶黎布失畢那利羯獵顛獻俘帝赦其罪始徙安西都護於其都統龜茲於闐碎葉疏勒號四鎮高宗復封訶黎布失畢爲龜茲王與那利羯獵顛還國久之王來朝那利烝其妻王不能禁左右請殺之由是國中猜忌使者言狀帝詔至京師囚那利護遣王還羯獵顛拒不納遣使降賀魯王不敢進悒悒死詔左屯衛楊胄發兵擒羯獵顛窮誅部黨以其地爲龜茲都督府更立其子素稽爲王是

歲徙安西都護於其國以故安西爲西州都督府西域平儀鳳時吐蕃攻焉耆以四鎮皆沒王孝傑復其地仍置安西都護府於龜茲以兵鎮守於是砂磧荒絕民供貲糧甚苦議者欲棄之武后不聽都護以政績稱者田揚名郭元振

張孝嵩杜暹云

方鎮表景雲元年置安西都護四鎮經略大使開元六年置副大都督護治西州十五年分伊西北廷二節度十九年合伊西北廷爲安西四鎮北廷經略節度使

二十九年復分安西四鎮治安西都護府北廷伊西節度治北廷都護府至德二年更安西曰鎮西又地理志安西大都護府初治西州顯慶二年平賀魯析其地置濛池崑陵二都護列置州縣西盡波斯國皆隸安西又徙至高昌故地三年徙治龜茲都督府而故府復爲西州咸亨元年吐蕃陷都護府長壽二年收復安西四鎮至德元載更名鎮西後復爲安西吐蕃旣侵河隴惟李元忠守北廷郭昕守安西與沙陀回紇相依吐蕃攻之久不下建中二年遣使問道入秦各以爲大都護並爲節度貞元三年吐蕃攻沙陀回紇北廷安西無援遂陷注有保大軍屯碎葉城開元七年其

王白莫苾死于多市立改名孝節十八年遣弟孝義入朝神龍以後黑衣大食

强盛漸並諸國

唐安西入西域道安西出柘厥關渡白馬河百八十里西入俱毗羅磧經苦井百二十里至俱毗羅城又六十里至阿悉言城又六十里至撥換一曰城威戎城曰姑墨州南臨思渾河乃西北河百二十里至小石城又二十里至於闐境之葫蘆河又六十里至大石城一曰于祝曰温肅州又西北三十里至粟樓烽又四十里度援達嶺又五十里至頓多城烏孫所治赤山城也又三十里渡真珠河又西北渡乏驛嶺五十里渡雪海又三十里至碎卜戊傍碎卜水五十里至熱海又四十里至凍城又百十里至賀獵城又三十里至葉支城出谷至碎葉川口八十里至裴羅將軍城又西二十

里至碎葉城城北有汗棄水水北四十里有羯丹山十姓可汗每立君長於此自碎葉西十里至米國城又一二十里至新城又六十里至頓建城又五十里至阿史不來城又七十里至俱蘭城又十里至稅建城又五十里至恒羅城自換撥西南渡渾河百八十里至濟濁館故和平鋪也又經故達幹城百二十里至謁者館又六十里至據史德城龜茲境也一曰鬱頭州在赤河北岸孤石山渡赤河經岐山三百四十里至葭盧館又經達漫城百四十里至疏勒南北西三面皆有山城在水中城東又有漢城亦在灘上赤河來自疏勒西葛羅嶺分流城至西合於城東北入據史德界自撥換南而東經崑岡渡赤河又西南經神山睢陽鹽泊渡南經踈樹九百三十里至于闐鎮自西州西南平安昌二城百二十里至天山西南入谷經礪石磧二百二十里至銀山磧又四十里至焉耆界呂光館又經盤石百里有張三城守捉又西南百四十五里經新城館渡淡河至焉耆西城自焉耆西五十里過鐵關又二十里至于術守捉城又二百里至榆林守捉又五十里至龍泉守捉又六十里至東夷僻守捉又七十里至西夷僻守捉又六十里至赤岸守里又百二十里至安西都護

宋龜茲回鶻別種大中祥符三年龜茲可汗遣使獻方物自天聖至景祐入貢者五最後賜以佛經一藏其國主自稱師子王衣黃衣寶冠與宰相九人同治國事西至大食國六十日東至夏州九十日或稱西州回鶻或稱西州龜茲或稱龜茲回鶻宋史其國有市井而無錢貨紹聖初使大首領阿連羅等三人以表章及玉佛至洮河西熙河經略使以其罕通使請令於熙秦等州博買而估所賚物價答賜遣還從之元起沙漠攻汪罕部汪罕出走路逢乃蠻部將爲其所殺汪罕子亦

刺哈走西夏既而走至龜茲國龜茲王討殺之太祖平西域其地悉統於別失八里而龜茲之名遂絕

養夷

明養夷在賽藍東三百六十里城居亂山間東北有大溪西流入巨川行百里多荒城蓋其地介居巴什伯里蒙古部落之間數被侵擾以故民人散亡止戍卒數百人居孤城破廬頽坦蕭然榛莽永樂時陳誠至其地

溫宿

漢溫宿今阿蘇冶溫宿城東至都護治所一千三百八十里西至尉頭三百里北至烏孫赤谷六百二十里土地物類與鄯善諸國同東通姑墨東二百七十餘里後魏時役屬龜茲案隋時疏勒龜茲二國接壤則溫宿已爲龜茲所并可知唐置溫肅州在大石城一曰于祝乃屬河西內屬諸州之一又名溫州府

姑墨

漢姑墨今雅哈治南城東至都護治所一千二十里南至于寘馬行十五日北與烏孫接出銅鐵雌黃東通龜茲六百七十里王莽時其王承殺溫宿王并其國後魏亦曰姑默屬龜茲唐又稱亟墨即拔祿迦國自龜茲贏六百里踰小沙磧而至橫六百里縱三百里風俗與龜茲同語言小異貞觀中置姑墨州國中出細氈褐西三百里度石磧至凌山爲葱嶺北原也水東流春夏山谷多積雪西北五旦里至素葉水城比國商胡襍居素葉以西數十城皆立君長役屬突厥素葉水城西四百里至千泉今阿得地贏二百里南雪山三垂平陸多泉池因名之突厥可汗歲避暑其中羣鹿飾鈴環可狎也西贏百里至怛邏斯今搭城亦比國商胡襍居有小城皆華人尙華語爲突厥所掠群保此西南贏二百里至白水城原隰膏腴南五十里有笈赤建國地沃宜稼多蒲陶又二百里即石國

塔什罕

新疆大記 城郭記上

宋塔什罕

舊音尋斯干今遵欽定譯音改正餘倣此

本大食國地其部通貢於遼契丹宣和間遼亡林

牙達什

舊口大石林牙遼稱翰林之謂

自立率鐵騎宵遁

案達什西奔在遼保大三年爲宋徽宗宣和五年又二年遼爲金所滅

北行過

墨水

河源記黃河自東受降城折而正南流過東勝州與黑河合又正南過保德州

見白達達詳穩綽和爾猷馬駝若干西至

哈吞城

舊音可敦城地理志中受降城遼初改雲內州有古可敦城

駐安北都護府會

大黃室韋白達旦敵烈王紀刺茶赤刺也喜鼻古德尼刺達刺乖達密兒

紀合主烏古里阻卜普速完唐古胡母思奚的紀兒畢

十八部衆遂得精兵萬餘置官吏立兵甲具器仗明年

以青牛白馬祭天地整旅而行將西至大食國回鶻王伯勒格迎至邸大宴三日送至境外至塔什罕城西域諸國舉兵十萬號呼爾察來拒戰達什率兵大敗之駐軍九十日回回諸國王來降又西至克埒木

舊音起而漫

遂止焉以甲辰歲

二月五日即位國號西遼三年班師東歸馬行二十日得善地遂建都城曰呼遜鄂爾多尋諭衆曰朕率爾衆遠至朔漢期復大業以光中興此非與爾衆世居之地遂率七萬騎東征行萬餘里無所得牛馬俱死勒兵而還又十年卒在位二十年子伊埒幼后權國政在位七年伊埒立在位十三年卒子幼以妹普

蘇完權國後與駙馬肅都爾伯弟布古濟蘇莎喇通殺駙馬駙馬父烏拉琳○
兵圍其宮射殺普蘇完及布古濟蘇莎喇普蘇完在位十四年伊埒次子□勒
古舊音直魯古元
史稱鞠兒可汗立_{在位二十年元太祖之征奈曼也}迪延汗子楚察里舊音屈
出律奔
默爾奇斯又二年討默爾奇斯部滅之楚察里奔西遼秋遇卓勒古出獵楚察
里伏兵八千擒之遂襲遼衣冠尊事卓勒古朝夕問起居以待終焉達什建號
西域寡母弱子更繼迭承幾九十年卓勒古死遼絕太祖十五年庚辰親征西
域時附西遼之谷則鄂爾多柯敢帕克巴舊音可散
八思哈等城酋長迎降太祖命哲伯
曷里默斯征楚察里楚察里拒執斬之以徇其地若喀什噶爾葉爾羌舊音可失
合兒押兒
牽
幹端諸城皆望風降服又諭下□沙布爾城兵至塔什罕城曷里默斯與其
主札蘭迪音 舊音札刺丁
亦西遼族人合戰于月亦心揭赤之地敗之又追襲于阿刺點城戰
于圖瑪溫山又追至愍顏城西寨敗之札蘭迪音逃入海收其珍寶以還取玉
爾德痕兩城繼而愍顏城亦下是秋太祖駐蹕葉爾特木什河攻鄂托洛爾舊音

幹脫城克之張榮傳從太祖征西域諸國庚辰八月至莫蘭河不能涉太祖召問濟河之策榮請造舟太祖復問濟師當在何時榮請以一月爲期乃督工匠造船百艘遂濟河明

年弗察國惟算端罕據塔什罕城太祖復親攻之聞帝將至棄城南走入鐵關屯大雪山郭寶玉追之遂奔印度帝駐大雪山前時雪深一丈乃封山川神以遷耶律阿海者本遼人以功拜太師從征西域留監塔什罕專任綏撫之責未幾卒子綿思格襲久之請還內郡至元十七年置巴什伯里行尙書事省□他皆統屬焉明稱達失干即塔什罕音訛西去賽瑪爾堪七百里城居平原周二里外多林園饒果木土宜穀五民居稠密李貴陳誠之使皆至焉

賽藍

賽藍在塔什罕之東西去賽瑪爾堪千餘里有城周二三里四面平曠居人繁庶五穀茂植亦饒果木夏秋間草中生小黑蜘蛛螫徧體痛不可耐必以簿荷枝掃痛處又用羊肝擦之誦經一晝夜痛止體膚盡蛻凡止宿必擇近水地避之元初薛塔喇海從征賽藍諸國以礮立功又云賽夷乃西域之族長即此地

也

博哈爾

博哈爾

元稱蒲華城地與塔什罕相接太祖攻克之明作卜花兒今改正

在賽瑪爾堪東七百餘里城居平川周十餘

里戶萬計市里繁華號爲富庶地卑下節序常溫宜五穀桑麻多絲綿布帛六

畜亦饒永樂十三年陳誠自西域還所經哈烈賽馬爾堪俺都准八達克商迭

里迷巴什伯里沙鹿哈雅塔什罕博哈爾

舊音達失干卜花兒

渴石賽藍養夷火州柳城土

爾番鹽澤哈密凡十七國悉詳其山川人物風俗爲使西域記以故中國得考

焉宣德中命李達撫諭西域博哈爾亦與焉

尉頭

漢尉頭

今烏什

治尉頭谷東至都護治所千四百一十里南與疏勒接山道不通

後書疏勒東北經尉頭溫宿至龜茲漢案尉頭山道在東漢時則已通

西至捐毒千三百里後魏役屬龜茲後亦無聞□

唐河西內屬諸州又曰尉頭州又曰鬱頭州在赤河北岸石山

沙鹿哈雅

明沙鹿哈雅西去賽瑪爾堪五百餘里城居小岡上西北臨河河名火車站水勢衝急浮梁以渡亦有小舟南近山城多因崕而居園林廣茂西有大沙洲可二百里無水間有之鹹不可飲地多生臭草葉如蓋煑之成膏即阿魏又有小草叢生秋深露凝養之如蜜煑為糖番名達郎古賓永樂中李達陳誠使其地其酋即遣使奉貢宣德七年命中使李貴齎敕諭賜其酋金織文綺綵幣

樓蘭

漢樓蘭今色爾騰海治扞泥城去陽關千六百里前漢書樓蘭最近漢東陲當白龍堆路後漢書玉門關西行為鄯善西北至車師隋地理志鄯善郡有蒲昌海唐西域傳陽關故城西至蒲昌海南岸千里西經七屯城又西八十里至石城鎮漢樓蘭也在蒲昌海南三百里案白龍堆在今敦煌縣西百里蒲昌海即今羅布淖爾東距敦煌八百里陽關在今敦煌縣西南百二十里故地今名考之列史方位皆合西北至都護治所千八百里前漢書神爵間鄭告始為西域都護治烏壘城西至龜茲三百五十里案龜茲今庫車烏壘城今庫車東策特爾是屬哈喇沙爾至山國千三百六十里至車師八百九十里地沙鹵少田寄田仰穀旁國人隨畜牧逐水草能作兵器

武帝因張騫言甘心欲通大宛諸國使者相望於道樓蘭姑師當道苦之因攻劫漢使王恢等又數爲匈奴耳目令其兵遮漢使帝遣趙破奴率屬國騎及郡兵數萬擊姑師王恢數爲樓蘭所苦上令恢佐破奴破奴與輕騎七百人先至虜樓蘭王遂破姑師於是漢列亭障至玉門矣貳師擊大宛匈奴遣騎因樓蘭候漢使後過者欲絕弗通時任文將兵屯玉門關爲貳師後距得生口以聞上詔便道引兵捕樓蘭王詣闕薄責王對曰小國在大國間不兩屬無以自安願徙國入居漢地上直其言遣歸國樓蘭最在東陲近漢當白龍堆路爲吏士所懲艾後又爲匈奴反間數遮殺漢使元鳳四年其弟尉屠耆降漢言狀漢遣傅介子往刺其王介子費金帛揚言以賜外國爲名旣至樓蘭王來見介子使壯士二人從後刺殺之乃立尉屠耆爲王更名其國曰鄯善尉屠耆自請曰身在漢久今歸單弱而前王有子在恐爲所殺國中有伊循城其地肥美願漢遣一將屯田積穀令臣得依其威重於是遣司馬一人田伊循以鎮撫之其後更置

都尉伊循置官始此

婞羗

漢婞羗王號去胡來王師古曰言去離胡戎來附漢也去陽關千里去長安六千三百里辟在西
南不當孔道戶四百五十西與且未接隨俗逐水草不田作仰鄯善且末穀山
有鐵自作兵西北至鄯善乃當道云

鄯善

鄯善當漢道衝西通且末七百二十里宣帝時遣衛司馬使護鄯善以西諸國
西域始逋至王莽篡位西域怨叛與中國遂絕光武中皆遣使求內屬願請都
護帝以天下初定未遑外事不許會莎車王賢攻滅諸國更相侵伐而鄯善亦
兼并諸國與莎車爭盛建武十四年鄯善王安與莎車王賢詣闕貢獻西域復
通後數歲莎車王遺安書令絕通漢道安不納而殺其使莎車王怒發兵攻鄯
善安迎戰兵敗亡入山中莎車殺略數千人而去時焉耆鄯善侍子久留敦煌

皆愁思亡歸鄯善王復遣子入侍請都護都護不出而鄯善與車師復附匈奴
明帝永平十六年班超使西域到鄯善詐斬匈奴使者三人以首示鄯善王鄯
善一國驚怖遂納子爲質魏黃初中鄯善王與龜茲于寘各遣子入侍帝遣使
撫勞之西域遂通置戍己校尉時南道西行且末戎廬小宛精絕樓蘭皆并屬
也太康四年鄯善遣子入侍假其王爲歸義侯晉中興時張駿西平公使其將楊
宣率衆越流沙伐龜茲鄯善王獻女駿本傳駿號曰美人立賓遐館以處之李暲爲敦煌太守擊下
玉門以西諸城遂屯玉門陽關爲東伐之資鄯善前部謂車師使貢方物案史稱晉
祚中微羣雄割據惟二涼累世不失蕃臣禮二涼謂張駿李暲也後魏大延初鄯善王遣弟素延耆入侍太祖既平涼
州沮渠無諱西涼蒙遜子度流沙襲高昌遣弟安周擊鄯善其王比龍拒之安周連
戰不能克退比龍懼率衆西奔且末其世子乃應安周令不得通後世祖詔萬
度歸發兵討焉耆度歸到敦煌留輜重以輕騎三千至其境鄯善人皆望旗降
服乃使韓牧爲征西將車領西戎校尉以鎮之賦役其人比之郡縣然其後部

落役屬于且末

唐西域記沙州壽昌縣西十里至陽關故城又西至蒲昌縣海南岸千里西經七屯城漢伊修城也又西八十里至石城鎮漢樓蘭國也亦名鄯善在高昌海南三百里康艷典爲鎮使以通西域者又西二百里至新城亦謂弩支城艷典所築又西經特勒井渡且末河五百里至播仙鎮卽故且末城也

吐谷渾

吐谷渾本遼東鮮卑姓慕容氏西晉時號北燕其酋徒何涉歸又名奕洛干有二子嫡曰苦洛廐庶長曰吐谷渾與廐分部牧馬馬鬪相傷廐怒渾遂擁馬西行附陰山永嘉之亂始度西隴止于枹罕自枹罕暨甘松南界昂城隴涸從洮水西南極于白蘭在益州西北逐水草廬帳而居有青海周迴千里餘里海中有小山青海聰出焉渾六子長曰吐延爲昂城酋長姜聰所殺子葉延頗識書記自謂祖奕洛干始封昌黎公吾蓋公子之孫也禮以王父字爲氏孝始初始以吐谷渾爲姓辟奚葉延子遣使貢獻符堅堅拜爲安遠將軍子視連通聘于西秦乞伏氏拜爲白蘭王視連弟曰視羆曰烏紇提視羆性英果有雄

略自號將軍視羆死子樹洛干尙幼弟烏紇提立烏紇提妻樹洛干母生二子
田慕瓚利延屢抄乞伏境乾歸討之奔南涼卒于胡樹洛干年十六嗣率所部
居莫賀川自稱大單于土谷渾王時晉義熙元年也乞伏歸乾甚忌之兵至赤
水大敗之樹洛干降其後人又爲熾磐所擊保白蘭死樹洛干阿豺立命以
慕瓚繼臨死事慕瓚討禽赫連定魏太武拜爲大將軍西秦王大延二年死慕
利延立太武征涼州利延懼西奔白蘭攻于寘南依罽賓七年乃還故土卒樹
洛干子拾寅立始邑于伏羅川竊擬王者受魏正朔又南通宋封爵爲河南王
泰和五年拾寅卒子度易侯立度易侯子伏連籌始修洮陽泥和二戌宣以後
關徼不通伏連籌子夸呂始號可汗居伏俟川在青海東一十五里地方數千
里其南界隴澗城去成都千餘里大戎有四一在清水川一在赤水一在繞河
一在吐窟真川皆子弟所理其主慕容賀一作莫何川西有黃沙雖有城郭不居而
隨俗逐水草其俗與北狄同齊神武作相徵其朝貢乃遣使人趙吐骨真假道

蠕蠕頻來後周武成初寇涼州賀蘭詳討破之又攻拔其洮陽泥和二城置洮

川而還

周書武帝逐吐谷渾而得其地置洮陽郡尋立爲洮州

天和初其隴澗王莫昌降以其地爲扶州

通考

氏羗之賾爲吐谷渾所據西魏逐吐谷渾于此始置鄧州隋初置扶州又改同昌郡

二年宇文貴度青海至伏俟城夸呂遁走隋

開皇中侵孔州遣元諧擊之夸呂發國中兵自曼頭至於樹敦甲騎不絕諧頻擊破之其名王十三人各率部落而降夸呂在位百年死子世允立國人殺之又立其弟伏允煬帝初鐵勒襲吐谷渾伏允東走保西平宇文述復大破其衆伏允懼南遁于山谷間其故地皆空自西平臨戎城以西且末以東祁連以南雪山以北皆爲隋有置郡縣置戍發天下輕罪徙居之伏允以數千騎客十黨項子順初爲質于朝至是立以爲主送出玉門順不果入而還

隋地理志大業五年平吐谷渾置鄯善在鄯善城即古樓蘭城也有蒲昌海西海郡在古伏俟城吐谷渾國都有西王母石窟青海鹽池河源郡在古赤水城有曼頭城積石山河所出且末郡在古且末城總四郡

隋亂復其故地唐初順自江都還長安會李軌據涼州高祖約伏允和令擊李

軌自効當護送順還伏允喜遂擊敗李軌順至號爲大寧王太宗初吐谷渾寇鄯州俄寇涼州時伏允耄不能事其相天柱王用事帝遣使曉敕無悛言九年詔侯君集李靖等擊之伏允西遁順之質隋伏允立其弟爲太子順歸快快自詔侯位欲以功結天子乃斬天柱來降伏允遁磧中自死國人立順爲君稱臣內附詔封西平郡王十年卒子諾曷鉢立封河源郡王自是衰微而吐蕃強盛與相攻咸亨元年薛仁貴郭待封討吐蕃王師敗于大非川舉吐渾地皆陷諾曷鉢與親王三千帳纔免徙之浩亶河南通志浩亶河源自塞外東至允吾界入湟水同門水流夾山岸深若門也今西寧縣西北後以吐蕃勢盛又徙靈州安樂川帝復爲置州即拜刺史欲其安且樂云諾曷鉢孫超聖歷三年拜大將軍襲可汗號數傳至兆立吐蕃復取安樂州而殘衆徙朔方河東語謬爲退渾吐谷渾自晉永嘉時有國至龍朔三年吐蕃取其地凡三百五十年及此封嗣絕矣

且末

漢且末國今噶斯治且末城西北至都護治所一千二百五十里北接尉犁東與

白提西通精絕一千里南至小宛可三日行建武中且末爲鄯善所并東晉時

復自爲國後魏大延中鄯善王比龍率國人之半奔且末其部遂役屬焉梁曰

且末國勝兵萬戶北與丁零東與白題接普通七年其王安末染盤始通江左

後入吐谷渾且末以其地置且末郡地理志有薩毗澤且末水旋廢唐有播仙城即且末故城

高宗上元初更名□□中亦陷入吐蕃天寶末西安節度高仙芝與于闐王尉

遲勝擊破澤昆澤播仙城西域記古折摩那即古且末宋元間爲輝和爾馭撒里之地明置曲

先衛即在故城東北也

乙弗敵

唐乙弗敵在吐谷渾北國有屈海千餘里衆萬落然不食五穀惟食魚與蘇子

蘇子狀如中國枸杞或赤或黑西有契翰一部風俗亦同土特多狼白蘭由在吐

谷渾西南西北有白蘭國目不識五色耳不聽五聲戶落亦可萬餘人頑弱不知鬪

戰見異人舉國便走性如野獸體輕遂不可得

精絕

漢精絕

今阿氏爾干

治精絕城北至都護治所

一本作二誤

千七百二十里南至戎廬四

日行地阨隘西逋扞彌四百里

案前漢西域都護治天山南烏壘城當曰陽關以西爲婞羗爲鄯善爲且末爲小宛在烏壘城東南境故皆西北至都護

治所也葱嶺之東爲莎車爲皮山爲于寘爲扞彌爲渠勒在烏壘城西南境故皆東北境烏壘都護治所也精絕在烏壘正南戎靈又在精絕之南故皆北至都護治所由斯以準則且末之北直尉犁皮山之北直姑墨雖千古之方隅道里至今爽然不失 晉魏不著其沿革北魏都貨羅國在于寘東

唐西域記瞿薩旦那東從東行入大流砂聚散隨風行人無跡遂多迷失又四百里至都貨羅國國久空曠城皆荒蕪

戎廬

漢戎廬治卑品城東北至都護治所一千九百五十里東與小宛南與婞羗西與渠勒接辟南不當道

渠勒

漢渠勒治犍都城東北至都護治所一千八百五十里東與戎廬西與婞羗

劉奉世曰按婁羗小國最近陽關在都護之東而此渠勒北與扞彌城接

扞彌

漢扞彌今和闐東治扞彌城東北至都護治所一千五百里南與渠勒東北與

龜茲西北與姑墨接西逋于寘四百里亦曰寧彌後漢改其國曰拘彌居寧

彌城去長史所居千九百里建武中莎車王賢攻破拘彌以其兄子康爲王後疑叛己召而

殺之拘彌又復自立順帝永建四年于寘改殺其王興自立而遣使者貢獻於

漢敦煌太守徐由遣疏勒王臣磐發兵擊破于寘更立興宗人成國而還陽嘉

中于寘又殺其王戊己校尉西域長史各發兵輔立拘彌侍子定興時人衆纔

千口永嘉初又爲于寘所破殺掠殆盡其地遂并屬焉

唐漢彌國轉案汗即扞音遞誤唐史汗音烏恐居建德力城西有河在于寘之東亦曰拘彌即寧彌

故城也

于寘

漢于寘今和闐治西城東北去都護治所千九百四十里北接姑墨西通皮山

國三百八十里于寘之西水皆西注西海其東水東流注鹽澤一名坳澤今羅布淖爾張騫

謂河源出于寘也建武末年莎車王賢攻并于闐以將軍居德爲于寘王永平

中于寘將休莫霸反莎車自立休莫霸死子廣德立後遂攻滅莎車其國轉強

盛從精絕西北至疏勒十三國皆服從而鄯善亦始強自是南道自葱嶺以東

惟此二國爲大後書于寘去長史所居五千三百里西經皮山至西夜子合德若焉班超自鄯善使于寘其王廣德素聞

超誅滅虜使大惶懼即降于是西域復通時戎盧杆彌精絕渠勒皮山五國地

皆并屬焉魏興西域不能盡至其大國于寘龜茲康居烏孫疏勒月氏鄯善之

屬無歲不奉貢獻畧如漢氏故事晉張駿據西于寘遣使貢方物後魏眞君

中太武討吐谷渾慕利延延入于寘殺其王死者甚衆而蠕蠕數侵于闐獻文

末遣使上書言西方諸國今皆已屬蠕蠕匈奴卅奉大國至今無異國中地方

亘千里連山相次有大城五小城數十山多美玉出好馬城東三十里有苜拔

河出玉石西城五十里亦有大水名達利水與樹枝水即苜拔河合俱北流七百里

入計式水自高昌以西諸國人深目高鼻惟此一國貌不甚類胡頗類華夏隋大業中使臣至于竇言其王錦帽金裝冠髮不令人見俗謂見則年必儉所居曰西山城勝兵四千人俗尙機巧好夸大然貌甚恭謹相見皆跪凡得問遺書戴於首乃發之自漢武以來中國詔書符節其王傳以相授人喜歌舞工紡織西有砂磧鼠大如蝟色類金出入羣鼠爲從云唐初王姓尉遲氏名屋密臣于突厥貞觀十三年內附上元初擊吐蕃有功以其地爲毗沙都督府析十州授伏闐雄都督死武后立其子噉開元時噉死復立尉遲伏師戰爲主竇尉遲珪嗣死子勝立地當吐蕃之衝吐蕃假道勃律以取四鎮于闐于闐首受其敝肅宗初其王勝率兵五千赴難使弟曜攝國事廣德中遣還勝固請留宿衛封武都王因請授國於曜尉遲勝傳曜上言國中以嫡承嗣今勝讓請立其子銳帝欲遣銳勝固辭以曜久行國事人安之銳生京華不習其俗不可遣當是時兄弟讓國人莫不賢之帝從之以曜同四鎮節度副使權知本國事唐末河隴陷沒于闐亦不復

至于闐東三百里有建德河七百里有精絕國河之東有汗彌居建德力城即寧彌故城皆小國也

唐西域記于闐東有媲摩川度磧行二百里得尼壤城在大澤中地墊茹蘆茨荒茂行者鑿道趣城通于闐而于闐以爲東關又東行入大流沙人行無跡故往返輒迷聚遺骸以識道無水草多熱風觸人畜皆仆四百里至故都邏又六百里至故折摩馱那古且未也又千里至故納縛波古樓蘭也

晉天福三年其王李聖天者自稱唐之宗族遣使來貢詔遣張匡鄴高居誨入其國册聖天爲于闐王居誨還頗記其往來所見山川而不能道聖天世次也

高居誨使于闐記自靈州過黃河行三十里始涉沙入黨項界曰細腰沙神樹沙至三公沙宿月氏都督帳自此沙行四百里至黑沙堡沙尤廣邃登沙嶺嶺即黨項牙也渡白亭河至涼州西行五百里至甘州甘州回鶻牙也其南山百餘里漢小月氏之故地也有別族號鹿角山沙陀云朱耶氏遺族也自甘州西始涉磧載水以行甘州人教晉使者作馬蹄木澁四竅馬蹄亦作四竅而綴之駝蹄則包以口皮乃可行西北五百里至肅州渡金河西百里出天門關又西百里出玉門關經吐蕃男子冠國中帽婦人辮髮帶瑟瑟云珠之好者一珠易一良馬至西瓜州沙州二州多中國人聞晉使者來其刺史曾元深等郊迎使者問天子起居瓜州南十里鳴沙山云冬夏殷殷有聲如雷即禹貢一流沙也又東南十里三危山云三苗之所也其西渡都鄉河曰陽關沙州西曰仲雲族其牙帳居胡盧磧云仲雲者小月支之遺種也其人勇而好戰瓜州之人皆憚之胡盧磧漢明帝征匈奴屯田於吾盧蓋其地也地無水而常寒多雪每天暖雪消乃得水匡鄴等西行入仲雲界至火屯城仲雲遣宰相四人都督三十七人候晉使者匡鄴等以詔書慰諭之皆東向拜自仲雲界西入鱣磧無水掘地得濕沙人置之胸以止渴又復渡陷河伐檉置水中乃渡不然則陷又西紺至州于闐所置也在

沙州西南云去京師九千五百里矣又行二日至安軍州遂至于闐聖天衣冠如中國其殿皆東向曰金冊殿有樓曰七鳳樓以葡萄酒爲酒又有紫酒青酒不知其所釀而味尤美其食粳沃以蜜粟沃以酪其衣布帛有園林花木喜鬼神而好佛聖天子居處常以紫衣僧列侍年號同慶廿九年國東南曰銀州曰瀘州曰湄州其南一千三百里曰玉州云漢張騫所窮河源出于闐而多美玉者此也

宋建隆二年聖天遣使貢圭一以玉爲柙使者言國城東有白玉河西有綠玉河次西有烏玉河源出崑崙山去國城西一千三百里秋水小後國人取玉於河謂之撈玉以葡萄酒爲酒味極甘美開寶四年上書言破疏勒國得舞象一欲以爲獻詔許之大中祥符二年其國黑韓王遣回鶻羅廝温等以方物來貢上詢其道路曰涉道一年不知里數昔時道路嘗有剽劫今自瓜州至于闐道路清謐行旅如流願遣安撫遠俗嘉祐八年以其王特進歸忠保順砮麟墨韓王于闐謂金翅鳥爲砮麟黑韓使言其王乞此號云國中產乳香來輒羣負私與商賈牟利不售則歸諸外府得善價元豐中詔不許貢神宗時使來言去國四年道塗居半歷黃頭回紇達靺青唐惟懼契丹抄掠耳因使之圖上諸國距漢境遠近爲書以授李憲紹聖中其王又言緬藥家作過別無報効已遣兵攻甘肅沙三州詔

厚答其意焉元太初定西域若于闐等城望風降附巴什伯里統轄二十四城而于闐獨自爲國至元十二年與鴉爾看城同置水驛十三時諸王背叛世祖遣薛徹干使于闐宗王阿魯忽所以通好阿魯忽留之弗遣數年乃得歸具白世祖遂命元師布哈特穆爾征之十七年于闐幹端置宣慰司又二年以達魯花赤治之元季其主暗弱鄰國交侵人民僅萬計悉避居山谷生理蕭條明永樂中西域咸修職貢不敢擅相攻于闐始獲休息漸行賈諸蕃復致富庶桑麻禾黍宛然中土初其酋打魯哇亦剌不金遣使貢璞玉朝命使者賚書幣往勞十八年偕哈烈八達黑商諸國貢馬自是常朝仁宗即位不務遠略而西域貢使漸稀國產美玉其隣亦多竊取來獻迄萬歷中亦間入貢回俗不奉佛法于闐之所謂譯經奉佛者蓋史家沿襲之訛俗言辟支足跡又謂老子化胡成佛之所皆未有據也

皮山

漢皮山國今都窪治皮山城東北至都護治所二千二百九十里西南至烏耗一

千三百四十里南與天竺接北至孤墨一千四百五十里西南當罽賓烏弋山
離道西北通莎車三百八十里晉爲皮國

後魏蒲山故皮國居皮城其國西南三百里有凍凌山後屬于寘

莎車

漢莎車今葉爾羌治莎車城前漢書從鄯善傍南山北渡河西至莎車爲南道北至都護治所二千一百餘里西

至疏勒五百六十里南至蒲犁七百四十里有鐵出青玉宣帝時烏孫公主子
萬年在莎車王愛之莎車王死無子國人請立萬年漢許之萬年初立暴惡國
人不悅莎車王弟呼屠徵殺萬年自立約諸國背漢會馮奉世送大宛客歸即
以便宜節發諸國兵擊之攻拔其城呼屠徵自殺更立他昆弟子爲王是歲元
康元年也匈奴因王莽之亂畧有西域惟莎車王延最强不肯附屬常勅諸子
當世奉漢家不可負延死子康代立光武初康率傍國拒匈奴擁衛故都護吏

士妻子檄書河西問中國動靜建武五年竇融承制立康爲建功懷德王西域大都護五十五國皆屬焉康死弟賢立攻破拘彌西夜國皆殺其王而立其兄二子爲拒彌西夜王十四年與鄯善王安詣闕貢獻於是西域始通葱嶺以東皆屬賢十七年復遣使請都護帝因其使賜賢西域都護印綬以敦煌大守裴遵上言收還更賜以大□軍印綬其使不肯易遵迫奪之賢由是始恨而猶詐稱都護服屬諸國二十一年西域十八國俱遣子入侍旣見皆願得都護天子以中國初定皆還其侍子厚賜之是時賢自負兵強欲兼并西域又知都護不至遂遺鄯善王安書令絕通漢道安不納而殺其子賢發兵攻鄯善其冬復攻殺龜茲王兼其國於是鄯善車師復附匈奴而賢益橫遂自立其子則羅爲龜茲王以則羅年少乃分龜茲爲烏壘國徙媯塞王駟鞬爲烏壘王數歲國人并殺之匈奴立龜茲貴人身毒爲王龜茲由是屬匈奴賢攻大宛徙拘彌橋塞提爲大宛王又立其弟位侍爲于寘王歲餘賢疑諸國欲叛召位侍及拘彌姑墨

子合王盡殺之但遣將鎮守其國莎車將之在于寘者爲其國人所殺遂立廣德爲王匈奴與龜茲共攻莎車不能下廣德乘其敝將兵攻之賢連被兵革乃遣使與廣德和明年莎車相運等反降于寘廣德乃將兵攻莎車賢乃輕出遂執之虜賢妻子而并其國鎖賢將歸歲餘殺之匈奴發龜茲十五國兵攻廣德將賢質子不居徵爲莎車王廣德又攻殺之更立其弟齊黎爲王章弟元和三年班超將諸國兵擊莎車龜茲王率溫宿尉頭姑墨合五萬兵救之班與于寘王議曰兵少不敵莫若散去于寘從是而東長史亦於是西歸可須夜鼓聲而發龜茲王聞之大喜自以萬騎於西界遮超溫宿王將八千騎於東界邀于寘超知二虜已出密詔諸部勒兵雞鳴馳赴莎車營胡大驚亂由是莎車降漢魏曰莎渠國居故莎車城渠莎界於兩大漸就衰微周隋以來不著唐斫句逃種即故渠沙亦曰沮渠由疏勒東南五百里濟徒多水踰大沙嶺至其國地千里東踰嶺八百里于闐即也貞觀二十年內屬上元初置毘莎都督府

爲四鎮之一領十州

案莎車轉爲渠沙而渠沙又轉爲毗沙唐于此置鎮以其地名之耳

蓋其境地統于于寘也

地理志注

本于烏鍛國在其西南四鎮既陷漸爲大食所有元初定西域始謂爲葉爾羗
舊音鴉爾看一作押兒牽

幹端

元初太祖既定北部幹端諸城先附至元十二年詔慰幹端城時諸王背叛乃命速鐸忽別列伯都爾爲都元帥領蒙古等軍三千人守之十七年置宣慰司元帥府命四川西道劉恩進兵且只爾先以管軍千戶從征至甘州陞總管十九年從諸王合班元帥忙古台軍與叛王兀盧等戰從之明年伯巴又以兵來侵且只爾獨破其餘衆五百人拔亡卒二百餘人以出進副萬戶二十三年從別速台請立羅卜怯台闍幹鄜端等驛尋以達魯花赤督治屯田遂罷宣慰司元帥府元之諸王屬籍世次史臣莫能知其爲鎮守大概有事則置事已則罷焉

阿端衛

新疆大記 城郭記上

明阿端衛洪武初置在沙州西撒里輝和爾之地洪熙時曲光酋散即思劫朝使脅阿端指揮鎖魯丹偕行大軍出征鎖魯丹遠竄宣德初猶依曲先禰處帝宥其罪令復故業於是真只罕率所部遷居帖兒谷舊地真只罕入朝因言阿端即幹故地在回回境去帖兒谷尙一月程朝貢艱乞移本土爲便從之迄正統朝數入貢

失刺思

失刺思近賽馬爾堪永樂十六年遣使偕哈烈俺的干喀什噶爾等八國入貢方物宣德二年貢駝馬授使臣阿力爲都指揮僉事賜冠帶宏治初哈密陝巴與野乜克力結婚失刺思偕旁國亦不刺因遣人請頒賜財物助之成婚朝議義之厚賜陝巴並賜二國綵幣

亦思弗罕

亦思弗罕地近俺干的永樂十四年使俺都淮賽瑪爾堪者道經其地十七年

偕隣國失刺思共貢西馬文豹使臣還命魯安等送之有馬哈木者願留京師
從其請或亦云思巴罕

俺的干

俺的干西域小部落永樂十一年來貢逮魯安等使失刺思哈烈諸國復便道
賜其酋長文綺然地小不能常貢後竟不至

西夜

漢西夜國今葉爾羌西南
俗勒阿里克王號子合治呼犍谷東北至都護治所三千四十六里

東與皮山西與蒲犁西南與烏秣北與莎車接蒲犁能耐無雷皆西夜類也其
種類羗行國隨俗逐水草往來

後漢西夜國一名漂沙子合亦有王而子合土地出玉石師古曰西夜子合
兩國疑前漢書誤

魏悉居半故西夜國一名子合北魏屬嚙噠

唐朱居波波一作槃漢子合也直于寘西千里葱嶺北三百里西距喝盤陀北九

百里屬疏勒尙浮屠法文字同婆羅門

案西夜子合兩國分合各史互異至唐朱居波屬漢子合而境地殊廣又兼有漢依耐西夜蒲犁德

若四國地

烏秣

漢烏秣

直加反

東北至都護治所

百里北與子合蒲犁西與難兜接山居

田石間有白草累石爲室出小步馬西有懸度去陽關五千九百里

北魏權于摩治烏秣城即烏秣故國在悉居半西南

蒲犁

漢蒲犁

今葉爾羌西塞爾勒克喀爾楚境

喝盤陀

後漢德若國東去長史居三千五百三十里東與子合接自皮山西南行經烏

秣涉懸度歷罽賓六十日行至烏弋山離道

案後漢無蒲犁國而有德若國魏略並載滿犁億若二國滿億二字是傳寫之訛

魏克槃陁北魏曰渴羅陀大延中始通中國其國在葱嶺東朱駒波西河經國

中東北流有高山夏積雪亦事佛道附嘸噠

唐喝盤陀西域記
喝作竭即渴羅陀又曰漢陀曰渴館檀由疏勒西南入劍末谷不忍

嶺六百里其國距瓜州四千五百里西北與護密接洽葱嶺中都城負徒多河戶二千其王本疏勒人世相承爲之人勁悍貌言如于闐葱嶺號極疑山環其國直朱居波西懸度山在其西南貞觀四年來朝後遂絕開元中破平其國置葱嶺守捉安西極邊戍也

俱蘭

唐俱蘭或曰俱羅弩與吐火羅接地三千里南大雪山北俱魯河出金精琢石取之貞觀三十年其王遣使來獻書辭類浮圖吾劫者居葱嶺中西及南距賒彌西北悒怛也

西域記有安咀羅縛濶悉多活種皆居吐火羅故地臣於突厥君亦突厥種主鐵門南諸戎遷徙不常其東又有七種東南峽道甚險無慮三百里得俱蘭東北山行五百里即護密北識匿也南有商彌地大二千里而贏多蒲萄生雌黃鑿石乃得又北踰山七百里至波繼羅川東西千里南北百里春夏雨雪南有鉢露種多紫金行五百里有竭盤陀東行一百里出葱嶺又一百里至烏鍛環千里

出白鷲青三種玉其
君長世臣竭盤陀

賒彌

後魏賒彌在波知之南不信佛法專事諸神亦附嘸噠東有鉢廬勒國路險緣
鐵索而度下不見底熙平中宋雲等竟不能達通考懸度葱嶺迤邐相屬郵置所絕道阻且長故行人由之莫能分別然法顯

宋雲所經懸度也

烏菴

後魏烏菴在賒彌南北有葱嶺南至天竺婆羅門胡為其上族國西有檀特山
山之上立寺以驢數頭運食山下無人控御自知往來也

唐烏菴亦曰烏茶曰烏伏那南直天竺地廣大東距勃律六百里西屬賓四百里山谷相屬有五城東北有達麗羅川即烏菴舊地貞觀十六年遣使來朝至開元中大食與烏菴東鄙接其數誘之君與骨咄俱不肯附元宗命使者册封為王

附
罽賓

漢罽賓不屬都護至都護治所 百里東至烏秣 百里東北至難兜九日行
西北與大月氏西南與烏弋山離接大月氏擊塞王塞王南越懸度居罽賓天
竺塞教自此始師古曰塞後世轉爲釋蓋語有輕重也 三國時爲大月氏所併

北魏罽賓在波路西南去代萬四千二百里居在四山中其地東西八百里南
北三百里

隋漕國在葱嶺西南其王姓昭武康國之宗族唐罽賓隋漕國也居葱嶺南距
京師萬一千里南距舍衛三千里王居修鮮城地暑濕人乘象俗治浮圖法傳
十二顯慶二年以其地爲修鮮州天寶四年册其君爲罽賓烏菴王

附
小勃律

小勃律距京師九千里而羸東八百里屬烏菴東南三百里大勃律北五百里
當護密之娑勒城王居孽多城臨娑夷水開元初以其地爲綏遠軍國迫吐蕃

數爲所困吐蕃曰我非謀爾假國道攻四鎮爾久之奪其五城其王沒謹忙求救北庭節度張孝嵩遣疏勒副使張思禮倍道出兵大破吐蕃復其城詔册爲小勃律王沒謹忙之孫蘇失利之立爲吐蕃陰誘妻以女故西北二十餘國皆臣吐蕃安西都護二討之無功天寶六載詔副都護高仙芝伐之遣將軍席元慶馳騎見蘇失利之曰請假道趨大勃律城中大酋五六皆吐蕃腹心元慶出詔書召慰賜繒綵縛酋領蘇失利之挾妻走仙芝軍至斬爲吐蕃□娑夷橋娑夷河弱水也橋長度一箭所及者功一歲乃成是暮吐蕃至能救仙芝約王降遂平其國於是拂菻大食諸胡七十二國咸震恐歸附執小勃律王及妻歸京師詔改其國號歸仁置歸仁軍以軍千人鎮之

疏勒

漢疏勒今喀什噶爾治疏勒城東至都護治所二千二百里南至莎車五百六十里有列市西當大月大宛康居氏道後漢西域記去長史居千里東北經尉頭温宿姑墨龟兹至焉耆魏書南有黃河西帶葱嶺亦名雪山在國西北

龜餘里河所出東去百茲一千五百里 明帝永平中龜茲王建攻殺疏勒王自以龜茲左侯兜題爲疏勒王明年春班超間道至疏勒去兜題所居槃橐城九十里遣吏士田盧往諭盧到兜題無降意盧因其無備遂切縛之超召疏勒將吏說以龜茲無道之狀因立其故王兄子忠爲王遣兜題還龜茲疏勒由是與龜茲結怨十七年焉耆攻沒都護陳睦而龜茲姑墨發兵攻疏勒超守槃橐城與忠相首尾肅宗即位徵還班超超將發疏勒都尉莽犁曰漢使棄我我必爲龜茲所滅以刃自刎至于寘王侯以下皆號泣抱超馬脚不得行超亦欲遂其本志乃還疏勒疏勒兩城自超去後復降龜茲而與尉頭連兵超捕斬反者擊破尉頭殺六百餘人疏勒復安元初中疏勒王安國以舅臣磐有罪徒於月氏月氏親愛之安國死無子臣磐聞之請於月氏月氏乃遣還疏勒立爲王後勒車連畔于寘屬疏勒疏勒以強故得與龜茲于寘爲敵國焉永建初漢拜臣磐爲大都尉建寧二年爲其季父和得射殺和得自立明年戊己司馬曹寬西域長史張晏將諸國兵

攻楨中城四十餘日不能下其後連相殺害漢不能復禁已後魏復通中國文
成之末遣使貢佛衣燒之三日不然其王帶金獅子冠每歲常供于突厥國內
有大城十二小城數十勝兵二千人地多沙磧少土壤俗尙詭詐其人文身碧
瞳唐曰佉沙國治迦師城王姓裴氏自號阿摩支突厥以女妻之貞觀九年內
附遂置疏勒都督府領州十五爲安西四鎮之一儀鳳時吐蕃破其國開元
十六年復册其君安定爲疏勒王五代及宋于寘通而疏勒無聞焉

案宋季輝和爾國統

有疏勒莎車境地

依耐

漢依耐

今喀什噶爾南英噶薩爾境

東北至都護治所二千七百三十里東至莎車五百四十

里西至無雷五百里北至疏勒六百五十里南與子合接寄田疏勒莎車

案後漢不

著其名當爲莎車所併

無雷

漢無雷今阿喇治廬城東北至都護所治二千四百六十里南至蒲犁五百四

十里南與秣烏北與捐毒西與大月氏接

北魏鉢和在渴槃陀西其土寒人畜穴地而處有大雪山望若銀鋒有两道一道西行向嚙嗟一道西南趨烏菴亦爲嚙嗟所統

唐護密或曰達摩悉鐵即魏所謂鉢和者王居塞伽審城北臨烏澗河橫一千六百里縱狹纔四五里堆阜曲折沙石流漫顯慶時以其地爲烏飛州西域記稱波繼羅川

地當四鎮入吐火羅道故役屬吐蕃有連雲堡下據娑勒川南直小勃律五百里天寶初吐蕃以兵戍其城高仙芝分軍三道下勃律先破之

識匿

唐識匿東南直京師九千里東南史少南字五百里距葱嶺守捉南三百里屬護密

西北五百里抵俱密初治苦汗城後散居山谷有大谷五酋長自爲治謂之五識匿天寶初請絕吐蕃賜鐵券

難兜

漢難兜

今葉什勒庫勒淖爾

東北至都護治所

千

百五十里西

東字訛

至無雷三百四十

里西南至罽賓三百三十里南與

北與休循西與大月氏接

北魏波知在鉢和西南土狹人貧依託山谷其王不能總攝有三池傳云大池有龍王次者有龍婦小者有龍子行人經之設祭乃得過不則遇風雪之困唐波知屬月氏去長安萬一百里

附
大夏

大夏自漢通中國尙能自立於西域諸國之間至三國時大夏爲大月氏所屬月氏與烏孫疏勒歲復來貢如漢故事

北魏大月氏在弗敵沙西相去七百里北與蠕蠕接數爲所侵徙都薄羅城去弗敵沙千一百里小月氏在波路

即波知

西南城東十里有佛塔所謂百丈浮圖

本大月氏王寄多羅子城也月氏爲蠕蠕所逐西徙令寄多羅守此城號小月

氏去代萬一千二百里嘛噠自金山而南在于闐之西都烏澠河之南二百里本滑國王姓嘸噠後之子孫以姓爲國又訛爲悒怛俗同吐呼羅隋大業中貢方物其國去曹國一千五百里東去瓜州五千八百里其本原或云是車師種或云高車別種韋節西蕃記云親問其國人並稱挹闐按漢書陳湯征鄧支康居副王挹闐抄其後種重此或康居之種類然傳自遼國夷語訛舛年代懸邈莫知根實不可得而辨也

吐呼羅東至范陽國西至悉萬斤相去二千里南至連山不知名北至波斯國城南有大水西流名漢樓河

唐吐火羅或曰吐豁羅元魏所謂吐呼羅者居葱嶺西烏澠河之南古大夏地與悒怛雜居永徽中以其地阿綬城爲月氏都督府析小城爲二十四州拜其王爲都督天寶間册其君爲吐火羅葉護悒怛王乾元初與西城九國發兵爲天子討賊肅宗詔隸朔方行營

捐毒 音篤

漢捐毒 今烏魯阿勒特 治衍敦谷東至都護治所二千八百里南至疏勒與葱嶺相屬

無人民西上葱嶺則休循也北與烏孫接衣服類烏孫隨俗逐水草依葱嶺木

塞種也

捐青即身毒漢書注李奇曰一名天篤則浮圖胡也師古曰即敬佛道者通考昔匈奴破大月氏大月氏西居大夏而塞王南居罽賓塞種分散往往爲數國自疏勒以西北休循捐毒

之屬皆故塞種也

後漢天竺即身毒在大月氏東俗與月氏同修浮圖道不事殺伐遂以成俗

案天

竺在葱嶺西南幾二千里蓋自塞王爲月氏所擊遂南越懸度山居罽賓後世其教漸盛拓地三萬里分東西南北中五天竺或曰摩伽佗曰婆羅門國中多佛跡其先則爲漢身毒也

休循

漢休循東至都護治所二千八百里東去疏勒千里南與難兜西與大宛接三

國曰休循國爲月氏所併北魏破洛羅那故大宛國也都貴山城在疏勒西北

唐撥汗

一作叛汗

元魏時所謂破洛那者居西鍵城在眞珠河之北姓昭武東去疏

勒千里西北去石國五百里東去瓜州五千五百里其王自晉魏相承不絕顯

慶三年以克塞城爲休循州開元中助平吐火仙册拜奉化州天寶中改其國

曰寧遠其事唐最謹

附康居

漢康居東至都護治所 千五百里東與大宛西與粟弋伊接魏者舌故康居國在破洛那西北去代萬 千里隋康國大業中來朝貢其王姓溫月氏人也舊居祁連山昭武城自爲匈奴所破西徙葱嶺遂有此國支庶皆爲王其左右米曹安史何石那色波烏那曷穆凡九國並以昭武爲姓唐康國元魏所謂悉萬斤者其南距史五百里西北距西曹百餘里東南屬米百里在那密水南世謂九姓其俗尙浮圖法治祆神永徽時以其地爲康居都督府東曹居波悉山之陰漢貳師城也東北距俱戰提二里北至石西至康東至寧遠皆四百里許南至吐火羅五百里有夜叉城

史或曰佉沙居獨莫水南康居小王蘇薤城故地西北一百五十里距那色波北二百里屬米南四百吐火羅也有鐵門山左右巉峭石色如鐵爲關以限二國以金錮闔城有神祠每祭必干羊用兵類先禱乃行隋大業中始通中國顯

慶時以其地爲佉沙州 小史居吐火羅故地東阨葱嶺西接波斯

大食

大食本波斯國隋大業中有桀黠者因獸言詭衆衰亡命於恒曷水劫商旅保西鄙自王國人往討之皆敗還於是遂強唐永徽二年始遣使來朝自言王大食氏有國三十四年傳二世國與吐火羅康接直葱嶺西龍朔中并波斯破拂林勝兵至四十萬康石皆往臣之開元時中屢遣使貢方物使者謁見不拜有司將劾之使者辭曰國人止拜天見王無拜也有司切責乃拜始稱白衣大食自阿蒲羅拔之後謂之黑衣大食或言大食自孤列之後世爲酋長號白衣大食族有二姓一曰盆尼二曰奚深盆泥種有摩訶末者勇而智衆立爲主闢地三千里傳十四世至末換殺其兄自立下怨其忍有呼羅珊木鹿人並悉波林將討之狗衆曰助我者皆黑衣俄而衆數萬即殺末換求奚深種阿蒲羅拔爲主更號黑衣大食國中男子鼻高黑而髯女子白皙出輒障面日五拜天神

不飲酒舉樂有禮堂容數百人率七日王高坐爲下說法俗勇於鬪暴斂諸國
開元末石國王伊擦吐屯上言今突厥已屬天可汗惟大食爲諸國患請討
之天子不許天寶六年安西節度使高仙芝兵至勃律斷娑夷橋以絕吐蕃諸
胡降附大食六國皆遣使入朝乃封爲王又二年仙芝襲石國王子乞師大
食連兵攻四鎮仙芝深入爲大食所敗時已徙葱嶺以東六國者曰都盤曰陀
拔斯曰阿沒曰羅剎支曰沙蘭曰怛滿怛滿居烏澠河之北平川中獸多獅子
其西北與史接以鐵門爲限大食西南與烏菴東鄙接代宗朝常取其兵平兩
京貞元中吐蕃陷北庭安西黑衣大食時與相攻吐蕃歲西師故鮮邊患而安
西以西悉爲黑衣大食所并已五代時未嘗與中國通契丹服屬回鶻踰流
沙盡取西鄙諸部大食亦爲其屬國軍宋乾德四年僧行勒奉命往西域因賜
其王書以招懷之太平興國二年大食國遣使貢方物其從者曰深體黑世謂
之崑崙奴始而入貢路由沙州涉夏國抵秦州乾興初西夏趙德明請道其國

中不許天聖元年入貢恐爲西人鈔略乃詔自今取海路由廣州至京師其部屬又各異名有勿巡陀婆離俞盧和麻囉拔等國悉皆冠以大食宣和中遼亡有林牙達什者西奔大食地自立號西遼服屬諸胡始有回回大食之名西遼建國幾九十年嶺北奈曼部楚察里襲之又九年元太祖攻克塔什罕城滅奈曼遂征回回塔爾寨擒其主瑪里可汗乃定西域元初征回回曰十二城曰二十四城然皆易以蒙古語固無史臣紀實世祖大一統悉以諸王駙馬統之史策概弗詳焉元本紀太祖十五年克蒲華城夏克等尋斯干城太宗十一年莽賚扣率師圍阿蘇默爾奇城三月拔之十二年庫由克克禾下諸城至元十一年立于闐鴉爾看兩城水驛十三夏四月詔慰幹端鴉爾看合失合兜等城

賽瑪爾堪

明賽瑪爾堪舊音撒馬兒罕今遵欽定驛音改正

即回回大食國

今屬喀什噶爾境其舊城方位莫可指實明史即漢罽賓誤也

元太祖

平西域始有賽瑪爾堪之名

元史作撒麻耳干

元末爲之王者駙馬特穆爾也太祖欲通

西域屢遣使招諭遐方君長未有至者二十年四月特穆爾始遣回回滿刺

哈非思等來朝貢馬元時回回徧天下及是居甘肅者尙多詔遣還之於是歸賽瑪爾堪者千二百餘人帝遣傅安等至其國被留令人導安徧歷諸國以誇其廣大至永樂五年始還特穆爾死其孫哈里嗣天順成化間其長稱瑣魯檀猶蒙古稱可汗迄萬歷中朝貢不絕其國東西三千餘里地寬平土壤膏腴王所居城廣十餘里民居稠密西南諸蕃之貨皆聚于此號爲富饒城東北有土屋爲拜天之所規制精巧柱用青石雕爲花文中設講經之堂用泥金書經裏以羊皮俗禁酒人物秀美工巧過于哈烈今葱嶺西回部而風俗土產多與之同其旁近東有沙鹿哈雅塔什罕賽籃養夷西有碣石迭里密諸部落皆役屬焉

喀什噶爾

喀什噶爾

舊音可失合兒今遵欽定譯音改正

西域小部落耳永樂六年李達等賚冊往賜即受命

十二年遣使隨白阿爾怡臺入貢方物天順七年命劉福普賢使其地其貢使亦不常至

迭里迷

迭里迷在賽瑪爾堪西南有新舊二城相去十餘里其酋長居新城城內外居民僅數百家蓄牧蕃息城在阿朮河東多魚河東地隸賽瑪爾堪西多蘆林產獅子陳誠李達嘗使其地

渴石

渴石在賽瑪爾堪西南三百六十里城居大村周圍十餘里宮室壯麗堂以玉石爲柱墻壁窻牖盡飾金碧琉璃其先賽瑪爾堪酋長駙馬特穆爾居之城外皆水田東南近山多園林西行十餘里饒奇水又西三百里大山屹立中有石峽兩崖如斧劈行二三里出峽口有石門色似鐵路通東西番人號爲鐵門關設兵守之